

四庫全書

史部

欽定四庫全書

欽定大清一統志卷二百三十四

嚴州府

在浙江省治西南二百七十里東西距三百七十里南北距一百七十五里東至杭州府

富陽縣界一百四十里西至安徽徽州府歙縣界二百三十里南至金華府蘭溪縣界四十里北至杭州府於潛縣界一百三十五里東南至金華府治一百四十五里西南至衢州府治二百里東北至杭州府治二百七十里西北至歙縣治三百十里自府治至京師三千五百八十里

分野天文斗牛分野星紀之次

建置沿革禹貢揚州之域春秋屬吳後屬越戰國屬

楚秦為會稽障二郡地漢屬會稽丹陽二郡

東境為富

陽縣地屬會稽西境為歙縣地屬丹陽

後漢屬吳丹陽二郡建安十

三年孫吳始分置始新等縣又於始新置新都郡

治在今府西境

晉太康元年改曰新安郡宋齊以後因之

隋平陳郡廢仁壽三年復置睦州大業初改為遂

安郡治雉山縣

即漢始新縣

唐武德四年復於雉山縣

置睦州又於桐廬縣置嚴州七年廢嚴州以睦州

為東睦州八年復曰睦州萬歲通天二年始移治

建德縣天寶初改新定郡屬江南東道乾元初復  
曰睦州屬浙江東道五代屬吳越國宋亦曰睦州  
新定郡屬兩浙路宣和初升為建德軍節度三年  
改曰嚴州遂安軍節度咸淳元年升為建德府以高  
度二宗皆嘗屬浙西路元至元十四年改建德路  
為潛邸也屬江浙行省明初改建安府洪武八年改曰嚴州  
府屬浙江布政使司

本朝因之領縣六

建德縣

附郭東西距一百三十五里南北距一百里東至桐廬縣界五十五里西至淳安縣

界八十里南至金華府蘭溪縣界四十里北至分水縣界六十里東西至金華府浦江縣界七十五里西南至壽昌縣界六十里東北至桐廬縣界六十里西北至分水縣界五十五里漢會稽郡富春縣地三國吳黃武四年始析置建德縣屬吳郡晉以後因之隋平陳廢入金華縣唐武德四年復置屬嚴州七年與州俱廢永淳二年分桐廬雉山二縣復置屬睦州萬歲通天二年始移睦州來治五代因之宋為建德府治元為建德淳安縣在府西路治明為嚴州府治本朝因之

淳安縣

在府西一百六

十五里東西距一百五十三里南北距二百二里東至建德縣界八十里西至遂安縣界七十三里南至遂安縣界四十三里北至杭州府昌化縣界一百五十九里東南至壽昌縣界七十五里西南

至遂安縣界二十里東北至分水縣界八十六里  
西北至安徽徽州府歙縣界九十七里漢丹陽郡  
歙縣地後漢建安十三年孫權析置始新縣并置  
新都郡晉為新安郡治宋齊以後因之隋平陳改  
縣曰新安仁壽中為睦州治大業初改縣曰雉山  
為遂安郡治唐初仍為睦州治文明元年又改曰  
新安萬歲通天二年始移州治建德以縣屬焉開  
元二十年改曰還淳永貞元年避諱又改曰青溪  
五代因之宋宣和三年改曰淳化紹興元年始改  
曰淳安屬建德府元屬建德路明屬嚴州府本  
朝因之  
**桐廬縣** 在府東北九十五里東西距八十五  
里南北距一百二十里東至杭州府  
富陽縣界四十五里西至建德縣界四十里南至  
金華府浦江縣界七十里北至分水縣界五十里  
東南至浦江縣界九十里西南至建德縣界四十  
里東北至杭州府新城縣界四十里西北至分水

縣界七十里漢富春縣地三國吳黃武二年始分  
縣之桐溪鄉置桐廬縣屬吳郡晉宋以後因之隋  
平陳縣廢仁壽中復置屬遂安郡唐武德四年於  
縣置嚴州七年州廢屬睦州五代吳越改屬杭州  
宋太平興國三年還屬睦州南宋屬建德遂安縣  
府元屬建德路明屬嚴州府本朝因之  
在府西少南一百八十里東西距一百三十三里  
南北距一百二十四里東至淳安縣界四十三里  
西至安徽徽州府休寧縣界九十里南至衢州府  
西安縣界七十九里北至淳安縣界四十五里東  
南至淳安縣界三十七里西南至衢州府開化縣  
界七十里東北至淳安縣界四十里西北至淳安  
縣界四十二里漢丹陽郡歙縣地後漢建安十三  
年孫權置新定縣屬新都郡晉太康元年改曰遂  
安屬新安郡宋齊以後因之隋平陳省入新安仁  
壽三年復置屬遂安郡唐屬睦州五代因之宋屬

建德府元屬建德路明  
屬嚴州府 本朝因之 **壽昌縣** 在府西南九十里  
東南距一百里南

北距九十里東至建德縣界二十五里西至遂安  
縣界七十五里南至衢州府龍游縣界四十里北

至淳安縣界五十里東南至金華府蘭谿縣界三  
十五里西南至衢州府西安縣界六十里東北至

建德縣界三十里西北至淳安縣界五十里漢富  
春縣地三國吳分立新昌縣晉太康元年改曰壽

昌屬吳郡宋齊以後因之隋廢唐永昌元年分雄  
山縣復置載初元年廢神龍元年復置屬睦州五

代因之宋屬建德府元屬建德  
路明屬嚴州府 本朝因之 **分水縣** 在府西北  
一百二十

三里東西距一百十里南北距七十五里東至杭  
州府新城縣界六十里西至淳安縣界五十里南

至建德縣界六十三里北至杭州府於潛縣界十  
二里東南至桐廬縣界二十里西南至建德縣界



五十里東北至杭州府臨安縣界六十三里西北至淳安縣界七十八里漢富春縣地三國吳以後為桐廬縣地唐武德四年始析置分水縣屬嚴州七年仍廢入桐廬如意元年復置曰武盛縣屬睦州神龍元年復曰分水五代因之宋屬建德府元屬建德路明屬嚴州府本朝因之

形勢據浙江上游當甌歛數道之衝

宋錢認浮橋記

羣峰回

環一水縈帶

宋蘇頌雲香閣記

溪山秀妙號清涼國

新定志

四達皆巖險之道

郡志

州境山谷居多地狹且瘠

經圖

序

風俗俗號輯睦因以名邦可以無事治不可以多事

理國經山嶮土磽蠶桑是務蒸茶割漆以要商賈貿

易之利祝務方與勝覽民貧而嗇多文學之士明統志

城池嚴州府城周八里二十三步門五東西北有濠

中屢修淳安縣城無城止立四門桐廬縣城無城止立四門遂安縣

城周四里一百十六步門五明正德八年壽昌縣

城周一里二十步門四分水縣城無城壘石

學校嚴州府學在府治西南明洪武七年建本朝

數二十建德縣學在縣治東建安山麓明隆慶中

隆十一年修入學額數二十五名  
**淳安縣學**  
在縣治東南宋至道中建本朝順治中

重建康熙雍正間累修入學額數二十五名  
**桐廬縣學**  
在縣治東北宋嘉祐中建本

朝順治十七年重建乾隆十六年  
**遂安縣學**  
在縣治西宋紹

熙中改建乾隆十八年修入學額數二十名  
**壽昌縣學**  
在縣

治東明宏治十五年改建本朝順治十六年  
**分水縣**

學  
在縣治東明嘉靖十五年改建本朝順治十六年重建康熙雍正中累修入學額數十二名

**文淵書院**  
在府儒學東本朝康熙五十八年知府吳昌祚創建乾隆十二年重修又鈞

臺書院在富春山下宋紹定中建累朝修葺至今尚存又淳安縣有瓊林書院明建本朝順治十

五年修桐廬縣有桐江書院在城隍廟東明建  
本朝康熙三十一年重建乾隆中累修案建德  
縣又有龍山書院在拱辰門外淳安縣有石峽書  
院在縣東北五里宋方逢辰講學之所柘山書院  
在縣東龍山鄉五峯書院在縣東張拭題額蜀阜  
書院一名埤峯書院在招賢里雲峯書院在太平  
鄉清溪書院在城隍廟左明知縣高東衡建仙居  
高山書院亦在城隍廟左明知縣高東衡建仙居  
書院南山書院並在縣南俱明建賓興書院吾溪  
書院蚊池書院並在縣西俱明建遂安縣有獅山  
書院在縣治東明隆慶中建瀛山書院在縣北四  
十里明建壽昌縣有青山書院在縣西南十里唐  
建默山書院在縣西南宗建蓮谷書院在縣北一  
里明洪鼎講學處桐廬縣有滄江書院在縣西北  
十五里明徐舫藏書千卷隱居其中王禕有記分  
水縣有興賢書院在城隍廟左明嘉靖中建志學

廢謹附記又各縣並有義學社學

戶口

原額人丁一十一萬一千一十五又滋生人丁一百八萬六千九百二十一屯運人丁二千二

六十

田賦

田地山塘湖等共二萬七千八百四頃八十九畝五分零額徵地丁銀一十七萬一千三十八

兩七錢一分零米三千二百九十九石一斗零屯運田地一百四十五頃四十一畝九分零額徵屯

餉等銀一千七百一十九兩二錢八分零

山川東山

在府城內東北隅相連者為秀山下有秀泉少東為建安山

高峰山

在

德縣東五里一名北高峰雙峰聳出新安江繞其西南又二里為方門山列嶂臨江其狀若門二山

皆烏龍之  
支山也  
**龍門山** 在建德縣東二十七里有浮  
圖下瞰江渚石壁上有瀑布泉

下八  
胥水  
**芝山** 在建德縣東六十里桐廬清冷  
山之支也下有芝水環之故名  
**建昌山**

在建德縣西二里一名建蒼山  
下瞰江流又西三里為九峰山  
**青山** 在建德縣西  
十里南面瀕

江山多秀水  
色映黛潭  
**平壁山** 在建德縣西十  
五里千仞壁立  
**焦山** 在建德  
縣西五

十里臨新安江相接者為蓮花山與楊溪  
峰相連去縣四十五里峰下人烟湊集  
**靈巖山**

在建德縣西八十里與淳安  
縣紫蓋峰相連巖泉不竭  
**銅官山** 在建德縣西  
八十里靈巖

之北秦時嘗於  
此置官採銅  
**五寶山** 在建德縣西八十里銅官  
之北接淳安縣界五山一

源曰金曰銀曰銅曰綠  
曰鐵皆以色相似而名  
**橘山** 在建德縣南十里明  
統志相傳絕頂有羅

浮橋一株遇橋熟時風飄  
隆地得者詫為仙人橋

### 烏龍山

在建德縣北三里高六百丈周

一百六十里郡之鎮山也鄴道元水經注建德縣北有烏山即此宋宣和中以龍為君象凡山水地

名有龍字避之嘗改名仁安山旁有烏龍嶺明初克嚴州苗帥楊完者屯烏龍嶺李文忠擊敗之即

此嶺有二池下有水東注為玉泉流為余浦

### 馬目山

在建德縣西南二里一峰狀如

馬首中有小峰如日名南高峰

### 雲岫山

在建德縣東北四十里杜息溪出此湫山在建

德縣東北四十五里高六百丈周百餘里與烏龍及桐廬之清涼山相埒上有石湫歲旱不涸紫

### 蓋山

在建德縣西北七十里接淳安縣金鈎山在界高出眾山常有紫霞騰繞如蓋

安縣東八里形如金鈎又名象鼻山

### 羨山

在淳安縣東三十五里形極峭拔其麓有仙居洞數

洞相接可通往來最外一洞有石如龍蟠水自龍口下注石筵中常滿不溢相近為燕山其巔有田

一項大龜鶴山在淳安縣東五十里茶坡溪南岸

早亦稔高聳形如鶴故名其山東山在淳安縣東  
產青碧堅石官民採用五十五里安樂山

在淳安縣東六十五里木名樂安山以宋張景修詩我是挂冠林下客山中安樂合平分後人因倒

其名曰安樂山山頂有重坑山在淳安縣東八十

泉及石棋盤禱雨輒應和初兩浙將蔡遵討方臘  
敗死于息坑或謂即此小金山在淳安縣西十

上有佛宇有似京口響山在淳安縣西十八里石

之金山而小故名響山壁如削下臨深潭舟人  
呼之其響相應蜀阜山在淳安縣西六十五里以下有三



蒼虬  
峰  
南山  
在淳安縣南青溪南岸一名青山自雲

濛山

在淳安縣南三十里高五百丈周七十里每  
天欲雨先有雲霧蒙於山頂其西有梅花峯

秀峯五出若梅花然  
其高峰正對縣治

三鶴山

在淳安縣南  
三十五里

芝山

在淳

安縣南七十里  
秀出遠溪之上

聖姥山

在淳安縣東南二十里  
絕頂有平地一項餘有仙

洞泉流  
不竭

蜜山

在淳安縣東南五十里一作密山臨  
流聳峙山多蜜出木空石罅中下有

密山潭程嘉璉遊記山形亞缺如朽株其理皆橫  
旋凹凸亦異狀山石瑣碎攢聚如鳥獸器用之形

者不可  
勝計

雉山

在淳安縣西南李吉甫元和郡縣志  
以縣南有雉山為名嚴陵

志在縣西南隔溪一里  
形如埤蹲下有雉山潭

都督山

在淳安縣西南樂  
史太平寰宇記山

極高峻臨江舊志在縣西  
尹山 在淳安縣西南七  
十里去咸平鎮六里  
兩峰南峙中

跨石  
靈巖山 在淳安縣東北六里周十二里吳永  
安中黃龍見於此因名龍山唐元和

中改今名宋方逢辰居其下學者  
稱蛟峯先生故此山又名蛟峰  
蕉山 在淳安縣  
東北四十

二里山分八面水注十派上有平  
田二頃昔人嘗於此種蔗故名  
東泉山 在淳安  
縣東北

一百三十里舊名覆船其一支南出口紫瑞峯當  
龍池之上望之如青芙蓉出泉三派並東注唐時

改今  
邁山 在淳安縣西北六里  
並桃山 在淳安縣  
西北六十

里高出東山之上登其巔抗歛衡  
巖宛在目前自下望之如二桃然  
擔鹽山 在淳安  
縣西北

一百十里有拄杖泉相傳錢鏐微時販鹽  
經此苦渴以拄杖觸巖泉忽湧出故名  
南來山

在淳安縣西北一百十里  
**桐君山** 在桐廬縣東二  
山勢自北而南又名靜峰

縣以此名下有合江亭廬驛西征記桐睦二江會  
合亭下有山巍然直壓其首如渴鯨入水之狀即

桐君山也明統志相傳昔有異人於此採藥求道  
結廬于桐木下人問其姓則指桐以示之因號為

桐君山 按案宇記又云相傳桐溪側有大椅桐  
樹垂條偃蓋蔭數畝遠望若廬遂名桐廬其說恐

皆附 戴山 在縣東二里寰宇記桐廬縣有戴山即  
會 戴山 宋徵士戴顒所隱處舊志絕頂頗平顯

遺居在馬旁  
**梓芳山** 在桐廬縣東六里本名紙坊  
有九田灣 數岑連接特峙江心為縣水

口  
**牛山** 在桐廬縣西五里山當驛道附瞰大江宋  
孫紹遠記自桐廬取道而西內薄山外瞰

江高深殊絕而窪凸屈曲步步必戒如是者十五  
六里淳熙中邑令向寅於沿江險處作扶欄七百

行者便之元末張士誠將劉真據縣取石築城富  
扶欄遂廢其左曰金雞山有巨石俯瞰大江

**春山**

在桐廬縣西後漢書嚴光傳耕于富春山後  
人名其釣處為嚴陵瀨馬顧野王輿地志七里

瀨在東陽江下與嚴陵瀨相接有嚴山在東陽縣  
南有嚴子陵漁釣處今山邊有石上平可坐十人

臨水名為嚴陵釣臺也太平寰宇記桐廬縣有嚴  
陵山境尤勝麗夾岸是錦峯繡嶺舊志富春山在

縣西三十里前臨大江上有東西二釣臺王思任  
遊越雜記由容星亭右逕二十餘折上西臺亭曰

留鼎一綵復從龍脊上騎  
過東臺亭曰垂竿百尺  
**龍潭山**在桐廬縣南十  
里上有龍潭山

險潭深其下又有泉灌  
田數百畝一名武牛山  
**大奇山**在桐廬縣南十里  
山高徑曲其頂有

泉昔嘗立寨于  
此亦名寨基山  
**安樂山**在桐廬縣北一里為  
縣主山上有浮圖  
**香泉**

山 在桐廬縣東南二十五里下有甘泉相接者為五聰山山麓有五穴出泉又有珠山下臨甘溪

側有乳泉平地湧出溉田二十餘頃 烏石山 在桐廬縣東南四十五里相傳孫鍾祖墓在此

一名白 高山 在桐廬縣東北二十里壁立巉巖中鶴峯 有閭仙洞洞口有石闕入闕十步許

曲折而東忽曠然空明其北乃洞室也 清冷山 在迴環二十餘丈有基坦平可坐百人

廬縣西北三十里本名鍾山唐天寶間改今名高五千餘仞周七十里有洞四面出泉大旱不竭溉

田五十餘頃 藍田山 在桐廬縣西北三十里絕頂寬平可居又有湖塘山其頂有湖曠阜

平岡羣峰四擁宛如城垣湖水當 龍洞山 在桐廬其中朝夕盈縮與錢塘潮汐相應 縣西北

三十五里山徑巉巖半舍許有石峽洞門越此乃平曠其巔有龍門池引流可溉田二百餘畝 風

穴山

在桐廬縣西北四十里山下有穴常有風自中出

白石山

在縣西北五十里隨

書地理志桐廬縣有白石山太平寰宇記山下有印渚渚多巉石縣志中多白石故名巖壁陡絕下

瞰溪

雞籠山

在桐廬縣西北五十里上有佛印洞下有城門洞有泉注不竭又有冷塢

嶺畝源洞有水灌田數十頃

碧稍山

在遂安縣東十五里遙截下流屹然華表下有碧稍

塢

長垓山

在遂安縣西五里兩峯壁立道狹多阻元末指揮高裕遏紅巾賊于此

純

和山

在遂安縣西十里上有石橋號仙人橋

霞山

在遂安縣西二十里丹崖返照遙望

如龍耳山

在遂安縣西六十里舊名兔耳山兩峯直上如兔耳唐天寶六載改今名玉

屏山

在遂安縣西六十里列嶂如屏

白石山

在遂安縣西七十里元和郡縣志山出白

石英充貢因名 **高喬山**

在遂安縣西六十五里近開化縣界層峯疊嶂溪谷紆迴明正德八

年流寇由開化馬金嶺突犯縣境知縣容九霄于此築寨禦之 **婆山** 在遂安縣東南二里

孤峯峭立為邑之望一作婆山 **七峰山** 在遂安縣西南四十里高峻為諸山冠 **洪洞**

**山** 在遂安縣西南七十里唐天寶中嘗置場採銅于此 **靈巖山** 在遂安縣西北十五里下

有百丈潭山半有靈巖洞有龍騰泉流出為小澗循石壁為瀑布 **瀛山** 在遂安縣西北四十

里 **花果山** 在遂安縣西北四十五里居者不必布種但焚其地而鋤之蔓菁之類自生

**武強山** 在遂安縣西北六十里與休寧之白際諸巔相錯峯巒險阻唐末鄉兵保聚于此拒

破黃巢今山麓有黃巢坪 **青龍山** 在壽昌縣東一明萬厯中嘗易名靖武山里脈自西來繞

出艾溪入東二里為金姑  
峯臨於竭溪為縣水口  
西山在壽昌縣東十五

帶芳  
彭頭山在壽昌縣西里許西湖東岸宋胡楚材末第時讀書其中後憶之作詩云

松篁讀書室  
天湖山在壽昌縣西二十里上有池永石釣魚臺廣三畝可溉山下田二百餘

畝  
岑山在壽昌縣西二十里孤峯峭立山頂平曠麓有石室可容數人宋時鄭彥嘗構書院

於  
四靈山在壽昌縣西四十里有龍鳳龜麟四山拱揖相向宋葉義問居此相接者為魏

賦  
塘山在壽昌縣西五十里石徑屈曲上有二池分水為瀑布  
仙池山在壽昌縣

南三里一名南山山巔有池廣三十餘畝遇旱則鄉民為機以洩池水溉山下田  
天井山

寰宇記壽昌縣有天井山天將降雨頂上輒有鐘鼓之聲縣志山在縣南七里其水下注石窟名曰



天井相接者為石鼓山有大石如鼓每邑有災沴不擊自鳴

金臺山

在壽昌縣南十五里

最高峻其西為烏石山南為冠山壁立萬仞登其巔可覽龍游蘭谿壽昌三縣之勝中有冠山洞

泉山

在壽昌縣南二十五里有泉分四道而下冬夏不竭

硯山

在壽昌縣南三十里南屬

蘭溪西屬龍游為三郡之界

過浴山

在壽昌縣北十八里下有龍潭潭上有洞名曰龍門

深邃莫窮泉流灌注溢為周溪協儒五里三溪環繞縣北

玉華山

在壽昌縣東南二十里巖

峯奇削高數百丈石色映空如白玉一名白山

巖洞山

在壽昌縣東南三十里跨蘭谿縣界

高與金華山等每冬山麓下雨則山半成雪有華蓋羅帽玉露慶雲景星五峯而華蓋為最高

鷲籠山

在壽昌縣西南六十里壽昌溪出北

屏風山

在壽昌縣西南六十里壽昌溪出北

塘東北一山却立  
千仞曰屏風山  
燕山在壽昌縣西北二十里每

翔集  
紫羅山在分水縣東十五里唐羅萬象隱此  
即雨相近有百勝巖最高聳又東二里為

泰遊山以始皇過此  
得名一名叅秦山  
峭山在分水縣東五十里高  
千餘丈其最高處曰赤

巖尖登之可見杭州六和塔相接  
者為石壁山有洞如室旁皆石壁  
鍾山在分水縣  
西三十五

里山半有洞中有泉下注又西  
五里為學士峯凡十八峯並列  
紫龍山在分水縣  
南二十里

上有龍池相近為石柱山二山  
對峙各有石如柱高數十丈  
雙溪山在分水縣  
北一里一

名雙峯山相連者為玉  
華山下有泉如玉色  
黃潭山在分水縣北二里  
下有黃潭天目諸

溪統流  
天祿山在分水縣北十里一名甄山於  
其下潛昌化之水匯流其下曰印渚  
白

雲山

在分水縣北二十里上有三池

慶雲山

在分水縣東南里許一名五雲山唐長慶

中有五色雲見因名施肩吾讀書于此其巔有洗硯池

胥嶺

在建德縣北六十五里接分水

縣界上有仙洞二一明一暗胥水發源于此

并研嶺

在建德縣東南五十里一名井坑嶺

接浦江縣界明初李文忠克嚴州進兵下浦江取道於此

鮑婆嶺

在建德縣東北二里明初

張士誠寇嚴州李文忠禦之於東門外使別將出小北門間道過鮑婆嶺由碧雞塢繞出陣後大破

之即

銅嶺

在淳安縣東七十里中有石洞出泉洞口有田號仙人田

遼嶺

在淳安縣

南七十五里接壽昌縣界山高溪迅懸崖絕壁無路可通舊惟水道往來明成化間知府朱暉始命工修鑿遂成坦途又西嶺在縣南八十里亦與壽昌接界絕頂平坦有石筍如人竦立洞口引水為

碓 白鶴嶺

在淳安縣東北百里有仙鶴泉明初胡大海取徽州元將胡納退保遂安戰于

白鶴嶺

娘嶺

在桐廬縣西北二十里為驛道要口

赤洲嶺

在桐廬縣西北四十

五里其嶺縈迴曲折凡三里餘有赤洲洞自洞門梯級而下三文餘有石壁自壁八十餘步洞屋高

敞縈紆曲折而入莫知所窮唐貞元中侍御史李士舉游此改名館仙洞

馬金嶺

在遂安縣

南八十里接開化縣界

連嶺

在遂安縣西北七十里道出歙縣相傳明太祖曾畧地至此相

連者為歙嶺

長嶺

在壽昌縣東南二十五里路通金梅嶺在壽昌縣西南四十里接龍游縣界一名梅峯

嶺

南宋時凡閩蜀江西荆湖二廣雲南八番海外

諸國來者皆經其下為人杭要道元亦為戍守處明時乃取道蘭谿

塔嶺

在分水縣西五十里

又有湯安嶺在縣西北六十里俱通淳安縣界

**白沙嶺**

在分水縣東南二里路連桐廬下有

白沙紫蓋峰

在淳安縣東南七十里山腰微瘦上有旁拓形如擁蓋

**金紫峰**

在淳安縣東北八十里中峯有圓石突起數十丈光瑩無草木其旁兩峯若俯每旭日照灼金紫晃

耀上有九龍瀑布泉

**獨高峯**

在桐廬縣西北二十里白水湖南突出江表高於衆山故名

**千丈巖**

在建德縣東十七里峭壁插天石屏繞麓上有甘泉下有雲壚

**乳香巖**

在建德縣東三十五里相傳有乳香下垂故名壁立百十餘丈不可登躋

**小溪巖**

在淳安縣

東六十里水陸行者皆畏其險下有小溪渡錦溪關置于此

**燕石巖**

在淳安縣西十五里

穹然如屋可坐數人俗呼積甲山

**保安巖**

在淳安縣東北六十里五季末里人避亂於此

多得保全故名 **高湖巖** 在壽昌縣東二十五里頂平如掌廣三十餘畝四畔

巉巖惟一徑可通相傳 **金雞巖** 在壽昌縣西六十里縣志相傳昔有

異人過此聞石中雞鳴剖得 **聖巖** 在壽昌縣西三十五里巖崖壁

立有石如龍泉 **大悲巖** 在壽昌縣南二十里有石從口出不竭 巖僅可容人曲身以入為

梯三級而下有石室曰觀音洞巖西北一里許又有一石洞元大德間臨安人莫子淵棄家學道于

此作石磴曲折數百丈以登 **頂山洞** 在建德縣西半山有泉飛下為縣勝地 四十五里石

泉湧出溉 **靈巖洞** 在淳安縣東五十里上有千仞田甚廣 峯下有二水源東曰聰明西曰

龍門聰明源口有洞即靈巖也龍門 **乳洞** 在淳安源口洞二曰龍泓曰均濟各溉田數頃 縣西六

十里深可數里泉溜凝結如乳宋方臘之亂有避地其中者頗畏癘一夕雷震忽有大石掩洞自是

人不能入又有乳洞在遂安縣南八十里洞威平門廣三丈許中產異石瑰怪不一有泉不竭

洞在淳安縣西七十里一名青溪洞一名幫源洞宋史宣和中方臘反韓世忠擊敗之窮追至青

溪洞賊深據巖屋為三窟諸將莫知所入世忠潛行溪谷問野婦得徑即挺身仗戈搆其穴格殺數

十人擒臘以出仙女洞在淳安縣東北六十里洞賊平改今名口有祠每歲早禱之則環

山皆雨不瑶林洞在桐廬縣西北四十五里洞口及他境濶二丈許梯級而下五丈餘有

崖有池有潭有垂雲洞在桐廬縣西北五十里洞穴壁有五采口藤蘿交加怪石垂下行

數步入石門則曠然開朗石堂可容百人舊名石佛洞唐貞元中縣令劉文會改今名有泉灌田數

項南山洞

在壽昌縣西三十里上有三門屈曲旁通其東半里曰順真洞中有石室前有

深池不竭相傳為之龍池

靈棲洞

在壽昌縣西四十里洞極深窺其中盛夏極寒水常泛溢

有魚躍出白山洞

在壽昌縣南三十里高峻不可登陟中有金石聲

楊山洞

在

水縣西北四十里洞中可容數百人

屏風源

在桐廬縣東南四十五里有龍潭其泉自石

罅中湧出前山鈴鎖如一葫蘆喉其中濶五里許

一指石

在桐廬縣西北四十里長一丈高五

尺縱巖谷間以手抵之則搖動人力多則不能移元楊維禎有詩

浙江

一名新安江自徽州

府歙縣東流經淳安建德二縣南又東北經桐廬縣南入富陽縣界元和郡縣志浙江在睦州南十

里又在桐廬縣南一百四十步舊志江入淳安縣一名青溪唐光化二年淮南宣州將康儒攻睦州



食盡自青溪遁歸是也東流入建德縣界又名歙港至府城東南東陽江合衢發二港之水自南來

會折而北入桐廬縣界流九十里至桐君山下合桐溪亦名桐江又名睦江東北入富陽縣界兩岸

高山水深如黛東陽江在建德縣東南二里元和郡縣志建德縣有東陽江東南自婺州界

來至州南注浙江舊志上流即衢發二港至蘭谿縣合流又北至縣東南入浙江形如丁字亦名丁

字胥口溪在建德縣東二十五里自胥嶺發源流三十里至胥口又逆流十里入江亦謂

之建德江梁大寶末侯景將劉神茂據東陽遣其黨元頽等下據建德江口明初張士誠來侵至大

浪李文忠遣將何世明西出洋潰溪在建德縣東烏龍嶺至胥口破走之即此

浦江縣發源西流七十里入東陽江又吳家溪在縣東南三十五里亦自浦江縣發源西流八十里

入杜息溪

在建德縣東北五十五里自雲岫山發源東流入桐廬縣界為清渚港東南流

繞嚴陵山北

遼溪

在淳安縣東三十五里源出遼嶺流徑芝山下東北入江今亦

名文軒駐溪

在淳安縣東五十里流入江明統志相傳漢方儲乘鶴至此登舟縣東八

十五里有鶴跡石亦以儲名

進賢溪

在淳安縣東北二十五里入柵源水在縣東北四十

里相傳吳賀齊討山越樹柵于此其水俱南入江

蜀溪

在淳安縣西北七十里源出蜀阜山

內有峽水交流似蜀川

甘溪

在桐廬縣東南二十五里有二源小源出白雲源東西坑嶺東

流六十里至雷塢水杓堰大源出桃嶺西北流三十餘里合小源為甘溪又引而東北流十餘里為

窄溪又東北流十三里入江與新城港口相對名窄溪埠江流經此濶纔數丈易於涉渡

蘆茨

溪 在桐廬縣西南四十里一名白雲源有大小二源一出紫洲一出西坑嶺合流半里許北入江

桐溪

在桐廬縣東北三里上流即天目溪自分水縣流入合桐江水經注紫溪東南流徑桐廬

縣東為桐溪孫權藉溪之名以為縣目元和郡縣志桐廬江源出於潛縣天目出南流至桐廬縣東

一里合浙江舊志天目溪在分水縣東一里即於潛縣紫溪之下流合昌化縣之柳溪入分水縣界

回繞於天祿黃潭諸山之下亦曰印渚溪又東南入桐廬縣界為桐溪東南流六十里繞郭而南出

桐君山下入浙江一名學雙溪 在桐廬縣東北十里一名橫港又名分水港 雙溪 在桐廬縣東北十里一名橫港又名分水港 雙溪 在桐廬縣東北十里

峯嶺西流一源出閭仙洞北流合而 雙溪 在遂西流十餘里為雙溪又西南入桐溪 雙溪 在遂

東二十五里源出衢州府東北流入縣界經鳳林鎮曰鳳林溪又東北流至巖下入武強溪 雙

溪

在遂安縣西有二源皆出歙縣界石嶺東南合流入東流十里至三渡口入武強溪

武強

溪

在遂安縣南源出白際嶺東流經武強山因名入東南至縣西五十八里三渡與雙溪合流濶

數十丈入東經縣南合遂安源水繞郭又東北四十里入淳安縣界名遂安港經縣南二十里又東北入

江

龍溪

在遂安縣東北源出淳安縣界燕源南流經縣東一里至婺山下入武強溪

靈巖溪

在遂安縣西北源出靈巖山東南流十五里入武強溪

翠溪

在壽昌縣東七

里源出巖崗山西北流入於竭溪又竹溪在縣東南十五里源出長嶺龍溪在縣東二十里源出巖

峒山俱北流

交溪

在壽昌縣西二十里源出魏馱山東南入大同溪

曹溪

在壽昌縣西源出縣西北玳瑁嶺東南流入艾溪

壽昌溪

在壽昌縣南源出壽龍山東流

至縣西二十五里與交溪合曰大同溪又東至縣西一里曰艾溪又與西溪曹溪合又經縣南與清潭溪合又東與周溪合又東至縣東七里曰淤竭又東北與協儒溪翠溪合又至縣東北十五里湖神坂曰湖神溪又至山後與竹溪合又與五里溪龍溪合共流九十里入建德縣界出壽昌港口繞蒼山入清潭溪在壽昌縣南源出烏石山北流入新安江艾溪又周溪在縣東北十里源出過浴山南流入艾溪又協儒溪在縣東北十五里溪在縣東十五里源俱出過浴洞東南流入潮神常樂溪在壽昌縣南三十里源出龍游縣天溪池山東流入縣界又東南流入蘭谿縣界合西溪在壽昌縣西南十里源出梅峯東北流入艾溪廣陵溪在分東陽江東六十里與新城縣接界前溪在分水縣南二里源出新城之廣陵鄉故名自淳安縣分流入

縣界合白沙潭亦曰白沙魚袋港在淳安縣南一里居民多于港

邊設碓磨因成漏港明時縣令余浦水在建德縣東三里源

海瑞築堤護之得資灌溉利舟楫出烏龍山東南

流入江日浦口東湖在府城東門內廣袤數十餘

堤潰水東行由余浦橋出口本朝康熙十一

年築壩於湖之左水漲則西出呂公橋入江西

**湖**在府城西南門外廣袤五百四十二丈唐刺史

侯溫開中有寶華洲人有西湖在壽昌縣西里

許彭頭山西廣袤二百四十步唐景福二年聖湖

縣令戴筠開引水灌東郭之田餘流入艾溪

在建德縣西七十里新安江側廣袤白水湖在桐

數百丈北有白沙洲為限不與江通

西北二十里其地有上湖下湖鵝湖高塘湖

總曰白水湖廣一百三十餘畝溉田甚廣七里

瀨

一名七里灘在桐廬縣嚴陵山西元和郡縣志在建德縣東四十里太平寰宇記七里瀨即富

春渚也葉夢得避暑錄七里灘兩山聳起壁立連亘七里土人謂之瀧舊志七里灘上距嚴州四十

餘里又下數里乃至釣臺兩山夾峙水駛如箭訪云有風七里無風七十里言舟行難於牽挽惟視

風為遲百丈漈在遂安縣西五十里霞源山頂有速也三石池瀉作瀑布百餘丈下有叢

石激水聲古渠在淳安縣南引西山泉橫貫市中震巖谷而東注宋元豐間濬後埋明萬厯

中重濬築三河潭在建德縣東南四十五里東陽二湖陂江水所匯中則逆流而上兩旁

則順流而下故曰三潭在淳安縣西一百里崇河三河關因以名同僻嶠極深處源出昌

化之巽嶺諸為三潭匯流於此高下相北上有可一畝中尤大其下差小垂瀑傾注聲震林麓旁有

石山斜  
瞰潭上  
**牛頭潭**

在桐廬縣東南二十五里  
大旱不竭溉田二千畝

**朱池**

在建

德縣西三十五里相傳以朱買臣居此  
得名當三衢大路宋置朱池驛於此

**雪水泉**

在桐

廬縣南六十里乃龍湫也高數百丈飛  
噴巖壑間如雪霰交下其流為雪水港

**孝子泉**

在桐

廬縣西三十里因晉孝子夏孝先得名唐時里人  
董舉居泉側值歲旱舉壘石障水以溉田既而水  
漲沙壅石遂成  
圻因名董舉圻  
**漢井泉**  
在遂安縣南八十里一名  
米井泉大旱不涸溉田數

畝百

**古蹟建德故城**

今建德縣治三國吳分富春  
地置孫皓初封建德侯即此

**始新故**

**城**

在淳安縣西吳志建安十三年賀齊討黠歙賊  
時武強葉鄉東陽豐浦四鄉先降齊表以葉鄉



為始新縣復表分歙為六縣割為新都郡立府于  
始新水經注孫權立始新都尉於歙之華鄉令賀  
齊守之後移出新亭舊志始新故城在縣西六十  
里咸平鎮隋初改曰新安後又移治雉山下而此

城桐廬故城

在今桐廬縣西三國吳置隋初廢尋  
復置舊唐書地理志桐廬縣舊治桐

溪開元二十六年移治鍾山元和郡縣志縣西南  
至睦州一百五里舊志吳時故城在縣西二十五  
里孝泉鄉漏港故址尚存隋初廢又有古嚴州城  
在縣西北十五里桐江西岸本隋仁壽二年鴻臚  
寺丞蘇綸所築唐初置嚴州于此今猶名為舊  
縣開元中移治鍾山後又移桐江口即今治

安故城

在今遂安縣西元和郡縣志縣東北去睦  
州一百九十里本漢歙縣地孫氏分歙縣

南鄉安定里置新定縣晉武太康元年改為遂安  
縣舊志有廢城在縣西南木連村溪北唐武德四

年移新昌故城在壽昌縣西吳置晉改壽昌隋廢唐復置舊唐書地理志縣舊治白

艾里後移今所舊志吳新昌縣在今縣西永平鄉花園坪今猶名故城坂唐神龍初徙治郭邑里尋

徙治白艾里在今縣東七里亦名桂村東臨小溪城濠形跡尚存後復還郭邑里即今治也分

水故城

今分水縣治太平寰宇記縣在睦州北一百八十五里本桐廬縣之西鄉唐置如意

元年改曰武盛因界內武盛山為名神龍元年又改分水取桐廬江水中分為名昭德故

城

在分水縣西北唐實應二年析分水置昭德縣大歷六年省入分水舊志故城在縣西北嘉德

里宋置昭德驛後廢雄山廢縣在淳安縣西南二里雄山下隋大業初移新安縣於此因

改曰雄山唐神功初又移今治後又改青溪以浙江亦曰青溪為名元和郡縣志縣東去睦州一百

六十五里  
即今治也

**太子城**

在淳安縣西三十里普慈山上  
相傳孫吳太子和居此所築遺

址尚存

**唐寓之城**

在桐廬縣東南三十五里地名舒  
灣南齊永明中富陽民唐寓之作

亂霄築城  
屯聚於此

**瀟灑樓**

在府治內宋知州周恪建取范  
仲淹詩瀟灑桐廬郡為名其下

為思  
范堂

**天邊風露樓**

在淳安縣東二十里瀕江宋  
時邑人盧珏建方逢辰有記靈

**香閣**

在建德縣治內宋熙  
寧間建蘇頌有記

**競秀閣**

在桐廬縣東二  
里下瞰長江景

為一邑之冠  
宋米芾書扁

**高風堂**

在府治東宋紹興中建汪藻  
有記堂之東北有植賢松月

二亭堂北有栢  
石刻壽栢二字

**溪山偉觀亭**

明統志在府城上羣  
山獻奇二水成字舉

目盡得之  
一郡偉觀

**環溪亭**

在府城中唐方千詩為是仙  
才登望處風先便似武林春孤

高亭

在建德縣東八十里宋紹興間知州吳寅建趙抃詩寺亭高絕面靈山遙邈羣峰不可攀

合江亭

在桐廬縣東南桐江口初名臨江宋元絳改今名以桐睦二江會合於此釣臺

在桐廬縣西富春山漢嚴子陵垂釣處有東西二臺各高數百丈下瞰大江古木叢林鬱然深杳臺

下為書院其西臺即宋謝翱哭文天祥處南有汐社亭因翱而名

錦溪館

在淳安縣治東

宋淳熙中建中有繡衣堂

雉山館

在淳安縣治西五代時建

千峯榭

在府治北王象

之輿地記勝自唐有之宋范仲淹重建方干詩窗中早月當琴榻牆上秋山入酒杯夏孝先

故宅

在桐廬縣西三十里唐縣令李師旦名其鄉曰孝泉鄉

戴顓故宅

在桐廬縣東北

二里九田灣今名戴村

方干故宅

在桐廬縣西南四十五里白雲源范仲淹有謁方干

故居詩幽蘭在深處終日自清芬後人因建清芬閣

**李頻故宅**

在壽昌縣西永平鄉

**方**

**逢辰故宅**

在淳安縣靈巖山逢辰居山下更號曰蛟峯

**神泉廢監**

王存九城

志在州東五里熙寧七年置鑄銅錢宋志尋罷慶元三年復置

**東館稅務**

在建德縣東五

里舊有東館樓宋時方臘亂後燬作亭為檢稅所曰東津稅務元廢

**仙壇里**

隋書地理志雄

山縣有仙壇山舊志淳安縣西梓桐鄉有仙壇里相傳昔有洪氏於此架屋以待方外之士

**招**

**賢里**

在淳安縣西七十里宋錢時居此有堆峯書院

**錦沙村** 太平寰宇記青溪縣有錦沙

村傍山依壑素波澄映錦石舒文冠軍吳喜聞而造焉鼓枻遊泛彌旬忘返嘆曰名山美石故不虛

賞方輿勝覽在淳安縣西七里

**城下村**

在桐廬縣西北四十五里鍾山鄉即唐開元中縣治

宋景定間盜起鄉人略自得率衆作木城以為保障至今名曰城下村

**吳村** 在分水縣東二

里舊置巡司後廢今為吳村鋪

### 關隘鳥石關

在建德縣東十五里江流所經下有鳥石灘鳥石渡風濤最險**三河關**

在建德縣東南四十里有三河渡即東陽江渡口當金華大道唐置三河戍于此宋為三河驛又有

管界巡司在縣東三十里明初置今並裁**錦溪關** 在淳安縣東六十里其地有小溪巖怪石

燒巖水陸皆險明嘉靖中置關以禦礦寇今廢**水關** 在桐廬縣東二里為桐溪入江之口宋置

嚴衙婺三洲巡捉私鹽茶礬司明初省成化八年改置桐江巡司在桐江口十九年改建於桐君山

下隆慶三年又移於窄溪埠在**柴埠關** 在桐廬縣東二十五里今廢為窄溪市

里柴埠灘今為柴埠市又浮橋關在茶園鎮在淳安縣

縣北五里桐溪上舊皆有兵戍守

東五十里下有茶園渡又渡市鎮在縣東北二十五里宋元以來俱為戍守處永平鎮在淳安縣

安縣西六十里咸平洞口宋宣和二

年置咸平巡司明初改永平今裁街口鎮在淳安縣

西八十里接安徽歙港口鎮在淳安縣

縣界舊有巡司今裁

元明因鳳林鎮在遂安縣

之今裁鳳林鎮在遂安縣

新市鎮在壽昌縣

都臨安時此為孔道

下淮戍在桐廬縣

與富陽縣接界舊為江流扼要處舊志陳天嘉二

年沈恪襲留異於東陽異敗恪於下淮唐永徽四

年婺州刺史崔義元敗妖賊陳碩真黨于西塢寨

下淮字書淮周也言江流四周圓合也

在壽昌縣西南四十里梅嶺路出龍游縣舊設上梅巡司入大源口寨在縣西四十里舊設社田巡

司皆久廢富春驛在建德縣東五里臨江明洪武初置嚴陵驛九年改今名有驛丞今裁

桐江驛在桐廬縣東五百五十步黃港口舊臨江名浙河驛後徙置於此改今名有驛丞今

裁吳村在分水縣東十里舊置巡司後廢今為吳村舖

津梁苔溪橋在建德縣東南十五里通浦江為浙東要衝濟州橋在建德縣東北

五十里白馬驛惠人橋在淳安縣東三十里聚星橋在淳安縣

東南五十里相傳宋時近橋有邱氏前後五人登第故名青溪橋在淳安縣南

浮梁長百丈一世濟橋在桐廬縣北三十里元至名百丈橋宋建世濟橋正間建歐陽原功書額



風沂橋

在遂安縣西三里舊名豐祈至元間改今名

鍾義橋

在遂安縣南跨溪為

浮橋一名南韓橋後燬今設舟以濟

黃村橋

在遂安縣北四十里宣和間建後架屋其上

玉虹橋

在壽昌縣東二十里宋建

會通橋

在壽昌縣西市口跨西湖唐縣令戴筠建

定安橋

在分水縣東舊名順安本朝康熙二十年改建

烏石渡

在建德縣東閣下五

里相接有紫溪渡明萬曆四十年郡守呂昌期置

白沙渡

在建德縣西南六十里新安江

渡口也南征記自建德縣繞烏龍嶺背出白沙渡入壽昌自常山縣徑達江西為陸行徑道

浮

橋渡

在桐廬縣北三里宋名裏口渡景定五年縣令胡太古建浮橋以船為之後廢今設舟

罟網渡

在遂安縣東南三十里路通西安

堤堰南堤

在府城南門外明成化中郡守朱睦運巨石築長堤東抵興仁門西抵稅課司為堤

三級廣踰四丈柔數百丈以捍江水

清溪堤

在淳安縣南明萬厯中郡守楊守仁築以防清

溪水

陳公堤

在遂安縣東龍溪南入武強溪其口時有潰決明萬厯中知縣陳泰熙築

石隄障之因名

馬公堤

在壽昌縣西門外元大德間縣尹馬世榮以溪水橫流入市於縣西

二里宋公橋下築隄障之木朝順治間重修

芹墅堰

在遂安縣東舊為洪水衝壞明成化

中重修長一百三十餘丈

馬儀堰

在遂安縣西南十里一曰馬沂堰其東北一里許又有新

墅堰皆吳越時築共溉田一千七百餘畝元至治中縣尹梁居善重築合為一堰

本朝康熙間屢

修長林堰

在分水縣西梁天監初任昉鎮本郡時今築壩堰以蓄水明萬厯初縣令方夢

龍又越舊堰一里許築新堰有灌溉之利石澳硤在建德縣西三十五里徐村有曠地數千

頃無水不可耕宋天聖二年有徐叟者穴山三十丈注水南下遂為良田今硤上有徐叟廟

### 陵墓越王墓

在淳安縣東六十五里相傳越王兵敗奔此而卒其衆聚土成墳三隴相連各

高十餘丈漢方儲墓在淳安縣治東南墓前有真應廟

### 晉夏孝先墓

在

廬縣西宋興墓

在建德縣東南十里宋公村興墓州刺史元帝渡江以功食邑於睦

唐時裔孫唐孝子何起門墓

在建德縣西南馬目山麓方昊墓

在淳安縣東宋江公望墓

在建德縣東江村山麓胡嘉言墓

在壽昌縣王縉墓

在分水縣西十里茅山張拭作墓銘詹良臣墓在

遂

安縣西十六  
都西山麓左  
喻樗墓在建德縣西北武定門外馬大同墓在建德縣

東大  
塘瑞  
詹儀之墓在遂安縣西三十里錢時墓在淳安縣西六十里蜀阜故居

側方逢辰墓在淳安縣西八里安溪謝翺墓在桐廬縣西釣臺南岸友人方

鳳建許劍  
亭子墓右  
孫潼發墓在桐廬縣東大隱何夢桂墓

在淳安縣東  
北文昌里  
元余丙墓在遂安縣六都古山坪明姚夔墓在桐

廬縣西  
牛山  
商輅墓在淳安縣南十里俞諫墓在桐廬縣孝泉鄉汪喬

年墓在遂安縣劍山

祠廟平水廟在建德縣東北六十里芝山祀大禹伍子胥祠在建德縣東四十里

胥嚴陵祠

舊在建德縣東報恩寺西南明萬曆中移于建安山又富春山下有嚴先生祠

宋景祐中范仲淹建今為釣臺書院

太守祠

在淳安縣西北六十五里祠吳賀齊李都

官祠

在壽昌縣西魏馱山祀唐李頻

三賢祠

在府城內初名思范祠祀范仲淹後增祀

呂祖謙張栻

胡侍郎廟

在桐廬縣西三十五里清諸港宋紹興中建祀胡寅

海公

祠

在淳安縣治西祀明知縣海瑞後改築南山之麓

烏龍祠

在建德縣北二里一名廣

濟廟宋陸游有碑

寺觀普光寺

在建德縣西來池唐貞觀中建

永泰寺

在建德縣東門外唐光化中建

天寧寺

在建德縣南五里宋慶曆中建寺有滿灘亭

上貴寺

在淳安縣東北五十

五里唐貞觀元年建  
**法照寺**  
在淳安縣東六十年建  
**龍泉寺**  
在淳安縣

東五十五里唐咸通中建有泉  
**圓通寺**  
在桐廬縣西二里唐

會昌中建  
**無礙寺**  
在遂安縣治西  
**紫霄觀**  
在桐廬縣治東晉郭文嘗

此居

名宦三國吳賀齊  
山陰人建安中遷咸武中郎將討丹徒黥歙賊時武強葉鄉東陽豐

浦四鄉先降齊表葉鄉為始新縣賊平復表分歙為新定黎陽休陽等縣孫權遂立新都郡以齊為

太守治始新  
**南北朝宋羊欣**  
南城人為新安太守以簡惠著稱  
**江**

東之  
考城人為新安太守政尚簡約所得秩祿悉散之親故在郡作一書案去官仍留以付庫

齊蕭穎曹

蘭陵人自左將軍出為新安太守吏民懷之

沈瑀

武康人為建德令教

人一丁種十五株桑四株柿及梨栗女丁半之未幾成林民咸感悅

梁伏膺

安邱人武帝時

為新安太守在任清恪有賦稅不登者輒以太守田米助之郡多麻苧家人乃至無以為繩其厲志

如任昉

博昌人天監中為新安太守以清潔著名在郡不事邊幅率然曳杖徒行民通詞訟

者就路決馬百姓年八十以上者遣戶曹掾存恤之卒於官無以為歛遺言不許以新安一物還都

閩境痛惜共立祠祀之

徐摛

郢人大通三年出為新安太守為政清靜勸課農桑教民禮義

期月風俗頓改

陳陸繹

吳人永定中留異割據東陽新安人向文政與異連結朝廷以繹為

新安太守討平之

程文季

新安海寧人天嘉二年除新安太守向文政據有新安文季率

精甲三百住攻之文政遣兄子瓚來  
拒文季與戰大破瓚軍文政乃降  
唐宋璟南和

元初以御史大夫  
出為睦州刺史  
房琯河南人開元中貶睦州司

尚德化興善  
利以治最顯  
韓洄長安人乾元中  
蕭定蘭陵人

州刺史  
杜牧萬年人會昌中自  
戴筠景福二年為壽

新亭坂水復開溝五百餘丈引水出東  
門以資灌溉作橋于湖上以便行者  
宋刁衍昇

人太平興國初知桐廬縣應詔言事乞舉  
天下淫刑酷法非律文所載者悉禁之  
田錫洪

人太平興國中睦州人舊阻禮教錫建孔子  
廟表請以經籍給諸生詔賜九經自是人知向學

范仲淹吳縣人景祐中出知睦州大興學校建嚴  
子陵祠於釣臺復其後四家以勵風節



張方平

宋城人仁宗時通判睦州多善政

趙抃

衢州西安人嘉祐中出知睦州州歲

為杭市羊移文却之又民有茶稅而無茶地為秦免

呂希純

壽州人紹聖初知睦州以歛發

二港水歲溢為患建廟為文祭之自是無水患

錢即

吳越王諸孫為睦州推官部使者有獄在

衢吹即以薦牘使往治即曰吾寧老冗選中豈忍以數十人易一薦乎至則平反之

柳約

人高宗時知嚴州時金兵大入列郡震恐約屹保孤城悉力捍禦境內安堵又上書請合諸郡兵克

復吳會上甚嘉之

胡寅

崇安人紹興中以徽猷閣待制知嚴州

李彥穎

德清人紹

興中調建德丞時宰知其才將處之學官或勸使一見彥穎恥自獻不往

劉清之

臨江人紹

興間為建德縣主簿請于州俾民自實其戶由是賦役平爭訟息

袁樞

建安人乾道中為嚴

州教授常喜誦司馬光資治通鑑苦其浩繁  
乃區別其事而貫通之號通鑑記事本末 **張栻**

綿竹人乾道中以直秘閣知嚴州奏蠲丁鹽錢絹  
民以繁庶旅名山斥淫祠以教化為先務後與呂

祖謙並 **呂祖謙** 金華人乾道中教授嚴  
祠焉 州四方從學者甚眾 **蕭燧** 臨江人淳

熙中知嚴州嚴地狹財匱始至官鋸不滿三千燧  
儉以足用三年之間積至十五萬以其義補積逋

諸邑皆寬移知婺州父老遮道 **陸游** 山陰人淳熙  
幾不得行送出境者以千數 中知嚴州過

闕陞辭帝諭曰嚴陵山水勝處職事之暇可以賦  
詠自適初游祖軫皇祐初以吏部郎知州事未幾

請老至是父老請建德令 **袁韶** 慶元人嘉定中知  
蘇林築祠于兜率院祀之 桐廬縣邑多宗室

持縣事無有善去者韶至絕私謁莫敢撓錢塘岸  
咸為潮留率取石桐廬韶言廟子山有石不必旁

取鄰郡遂得永免召為太常寺主簿父老旗鼓  
蔽江以餞至於富陽泣謝曰吾曹不復輸石矣吳

淵

涿水人嘉定中調建德縣主簿至官就辟  
今江東九郡之冤訟於諸使者皆乞送淵

高斯

得

浦江人淳祐七年知嚴州嚴環山為郡雖豐歲  
猶仰他州夏早斯得蠲租發廩招糴勸分請于

朝得米萬石以賑濟

元王子玉

至元中為壽昌尹時徭役繁劇民不堪命子玉詣府泣訴

卒減差科馬世榮

大德初為壽昌尹先是溪水橫流湮道世榮率民於宋公橋下築堤障水

民賴之號馬公堤

朱倬

江西新城人至正間為遂安尹饒徽盜起陷城吏卒逃散倬大書座右

右有生為元臣死為元鬼之語

明彭子冲

福安人洪武初

盜焚廨宇急倬朝服赴水死  
知壽昌縣時承兵燹後首創儒學建會

楊信

邯鄲人永

樂中知桐廬縣蒞政清勤莫敢干以私民有訟立剖之罔罔為空秩滿耆老三三百餘人詣闕乞留復

任九萬觀南昌人永樂中知嚴州府東境七里漚有魚舟數百艇時剽行旅觀編十舟為

甲令畫地巡警不匝月盜屏迹奏減織造以銀代絲稅民皆便之九年考績為海內第一既以憂去

將除服嚴州民豫上章願復得觀為守朝廷異之袁政吳縣人永樂中夏元吉薦為遂安知

縣俗多溺女政嚴禁並加恩恤自後民間生女名曰袁留范衷豐城人宣德中知壽昌縣闢荒

田二千六百畝興水利三百四十有六區正統五年三考報最當遷邑民列狀乞留復任鄧廷

璚巴陵人景泰中知淳安縣有惠政李堅唐縣人天順中以御史請知桐廬縣聽斷明且

決遇事不避權勢捐俸濟餓省徭役以舒民力張永南充人天順中知嚴州府督墾沙渚田數

千畝裁弓段妄費減水夫掊剋貧不能葬者給公帑羨餘周之注意學校擇俊異者講學於肅敬軒歲災即以上聞得減夏稅之半時有白鶴雙棲于庭咸謂清白所致朱皚高郵人成史為嚴州知府築南城堤以禦水患自東門至富春驛數里拓為坦途植柳夾道人號為朱公柳

容九霄

陽朔人正德中知遂安縣時流寇侵開化迫馬金嶺九霄率民兵結寨於高喬山手

弓矢殺數賊推其鋒賊遁去周望東莞人嘉靖中力請建城邑有城自九霄始周望知嚴州府改建

學宮重修東西湖以備旱澇裁驛遞冗宋璘來安費積金七千餘兩悉貯庫以代民稅宋璘人嘉

靖中嚴州推官淳安有疑獄立為平反攝建德事裁去賦絹例金時廟工需木嶽大賈持金以饋峻拒

之何天啓

貴溪人嘉靖中以結事中謫淳安縣丞攝縣事懲猾吏禁奸民戢賊賊甚多善

政  
**海瑞**

瓊山人嘉靖中知淳安縣布袍脫粟令老僕藝蔬自給總督胡宗憲子過淳安怒驛吏倒

懸之瑞曰叢胡公按部令所過毋供張令其行裝盛必非胡公乎發橐金數千納之庫馳告宗憲宗

憲無以罪都御史鄢懋卿行部過供具甚薄抗言邑不足容車馬懋卿素聞瑞名為飲威去而屬巡

鹽御史袁淳誣瑞謫興國州判官

**陳彛**

青州人隆慶中為嚴州通判攜一子一僕布衣疏食

奉母之餘悉賑貧乏及罪贖莫辨者

**蕭元綱**

泰和人萬歷中知淳安縣修靈堤濬古渠築二

湖陂創賓興書院闢建縣治皆以俸金佐之民為立生祠

**蔡模**

武進人萬歷中知淳安縣時供

億煩苦模至悉倚辦公帑不以累民清豪猾乾沒之  
獎建祠以祀海瑞去後民即以瑞祠並祀之  
**潘**

**繇**

婺源人萬歷中嚴州通判署分水縣事舊丁戶多浮額民苦之乃稽故贖去浮丁千數再攝建

德縣調歲徵  
八百有奇

石有恒

黃梅人萬厯中知遂安縣下  
車以避勞邀利畏禍三者自

誓不用民間一物屏絕饋  
遺聽斷明決庭階肅然

本朝董珙

萬縣人順治七年知壽昌縣先是邑中差  
役煩多民不勝祇應珙非正役不差壬辰

寇犯浙西三衢震動珙嚴偵探間出奇兵殺  
賊縣境倚以安輯在任三年清操如一日

梁浩

然

濱州人康熙七年知嚴州府值歲饑力請調賑  
又設廠煮粥老幼不能就食者按戶口給米清

丈民田悉除隱射濬兩河築下河以資灌溉取精  
忠亂山多伏莽浩然練習鄉勇捍禦周密四境晏

然

項一經

漢陽人康熙八年知建德縣縣田自明  
萬厯中編冊後歲久版籍紛亂點吏得

恣行飛灑賦額愈混會編審一經倡為歸號法令  
民按號收田計畝加額由是民得以實田供稅建

龍山書院集士肄業其中大兵討耿精忠  
王光鼎

漢軍鑲旗人康熙中知嚴州府夏旱穀價騰湧光  
鼎捐貲買米平糶又勸富民出粟民賴以安時有  
妖狐為祟民間女子多為所魘光鼎親製檄文告  
城隍神驅之患遂息郡境灘高水急津渡最險建  
德之小里埠桐廬之南關外尤  
甚先鼎增設渡船至今便之

### 人物晉夏孝先

桐廬人少喪二親負  
南北朝陳周文

### 育

字景德壽昌人本姓項少孤貧義興人周膺養  
為己子從武帝討侯景為府司馬以功累遷散

騎常侍徐嗣徽引北齊來寇大有頻戰有功進爵  
壽昌縣公後為熊曇朗所害贈侍中司空謚忠愍

### 唐何起門

建德人事親至孝父死廬墓累有異陳  
微大厯中刺史蕭定以狀聞詔旌表



京

桐廬人有至行親喪廬墓  
刺史蕭定以聞詔旌表

章八元

桐廬人大歷  
進士遷協律

郎子孝標元和進士為山南東道從事試  
大理評事孫碣乾符進士三世以詩名

祝希進

桐廬人父喪廬墓側生芝草產靈蛇元和詔旌  
其門又睦州許利川居母喪以孝聞亦被旌表

皇甫湜

字持正睦州新安人元和進士為陸渾尉  
仕至工部郎中裴度留守東都辟為判官

作福先寺碑援筆立就從韓愈進  
愈愛其才文章與張籍李翱齊名

施肩吾

字希聖  
睦州人

元和進士隱居洪州西山同時  
徐凝官至全部侍郎並有詩名

李頻

字德新壽昌  
人少秀悟多

所記覽尤長於詩大中八年登進士第調秘書郎  
遷武功令縣大治擢侍御史守法不阿徇累遷都

官員外郎表丐建州刺史以禮法  
治平更布條教郡賴以安卒於官  
戴元益 桐廬人  
五世同

居家有紫微木生連理枝咸通八年刺史以聞詔  
蠲徭役旌其閭又睦州方良琨亦以數世同居被

旌  
**方干**字雄飛桐廬人工詩與鄭仁規李頻陶詳  
為三益友咸通中遊於會稽鑑湖之濱釣

魚為樂世稱  
**方昊**字太初淳安人以節義自高唐  
元英先生

往聚徒講學  
**宋江公望**字民表睦州人舉進士建  
以終其身

拜左司諫抗疏極論時政時內苑蓄珍禽奇獸公  
望力言非初政所宜帝悉命縱之惟一白鵲蓄久

以拄杖逐之不去乃刻公望姓名於杖頭以識其  
諫蔡京為政管編南安軍遇赦還家建炎中卒贈右

諫議大夫  
**方慤**字性夫桐廬人性至孝父死廬墓登宣  
和進士歷官禮部侍郎所至以剛廬稱

著禮記集解朱子嘗曰方氏禮  
記解不可以其新學而黜之  
**詹良臣**字元公分  
水人舉進

士不第以恩得官調緡雲尉方臘起其黨犯處州  
州守貳俱遁良臣曰捕盜尉職也縱不勝敢愛死  
乎率弓兵數人出禦之皆被執誘使降良臣曰汝  
輩不知求生顧欲降我耶旦暮官軍至汝肉飼狗  
鼠矣賊怒鬻其肉使自啖之良臣吐且罵至死不  
絕聲徽宗聞而傷之贈通直郎官其子孫二人

**劉晏**

字平甫嚴州人宣和四年授通直郎金兵圍  
京師以晏總遼東兵號赤心隊建炎初從劉

正彥擊淮西賊丁進進黨見晏軍不戰而降還朝  
散郎正彥反晏以衆歸韓世忠羣寇犯常州晏出  
奇破之後追擊賊戚方于宣城為賊所害贈龍圖閣  
侍制立廟死所號曰義烈

**喻樗**

字子木建

德人少慕伊洛之學中建炎三年進士第趙鼎居  
常山引為上客紹興初高宗親征樗為鼎言宜詔  
張浚宣撫江淮鼎入奏起浚浚至執鼎手曰此行  
舉措皆合人心鼎笑曰子才之功也樗于是往來

鼎浚間多所裨益以鼎薦授秘書省正字尋以言  
和議非便忤秦檜意出知懷寧縣通判衡州孝宗  
即位提舉浙東常平以治績聞所著 **錢時**字子是  
有大學中庸論語解及玉泉語錄 **錢時**字子是  
受業楊簡之門絕意科舉究明理學江東提刑袁  
甫作象山書院招主講席學者興起丞相喬行簡  
薦授秘閣校勘未幾出佐浙東倉幕尋召入史館  
校閱轉對數陳剴切授江東師屬歸所著有周易  
釋傳尚書演義學詩管見春秋 **葉義問**字審言壽  
大旨四書管見兩漢筆記等書 **葉義問**字審言壽  
初登進士第為饒州教授攝郡事輒發常平米賑  
饑通判江州忤秦檜罷去檜死召至言臺諫廢置  
在人主檜親黨宜盡罷逐以言得罪者宜叙復擢  
殿中侍御史樞密湯鵬舉劾檜所為植黨鉏異已  
者義問累章劾罷之 **詹儀之**字體仁遂安人紹興  
累拜同知樞密院事 **詹儀之**進士平居以問學為

事淳熙中知信州時朱子呂祖謙俱在焉湖儀之  
復往辨問無虛日及帥廣東以瀛溪舊治立祠曲  
江後論廣監官幣之弊上嘉之除吏部侍郎權知  
靜江討平安化蠻已中蜚語安置永州歸卒

趙彥肅

字子欽建德人乾道進士仕至寧海郡節  
度推官所著易說廣學雄辨士冠士婚饋

食國學者稱  
復齋先生

洪璞

字叔正淳安人紹熙進士仕為  
鎮東節度推官陳備邊八策楊

簡薦之曰守官數十年而無屋可居舉家三百指  
而無田可養其廉介如此子楊祖召試館職除正  
字亦有  
徐梅龜

字臞叟壽昌人舉進士為霍邱尉  
嘉熙初元兵大至與子尚古皆死

之贈宣徽郎尚  
古贈承信郎

吳洪德

字長翁淳安人淳祐進士  
歷官金部員外郎元兵入

臨安抗節死弟雄飛字次翁景定進  
士累官太常簿國亡募兵赴難死

方達辰

字君  
錫淳

安人淳祐中廷對第一累官兵部侍郎國史修撰  
時宰相鄭清之賈似道擅權達辰力敵其非稱疾  
歸除吏禮二部尚書俱不拜授徒講學所著有孝  
經解易外傳尚書釋傳學庸注釋諸書學者稱蛟  
峯先生弟逢振字君王景定進士累官太府寺簿  
宋亡隱于家元初徵不起講學石峽書院以終

何夢桂

字嚴斐淳安人咸淳進士通判吉州擢御  
史轉太府卿致仕歸守亡不仕所著有易

行中庸致用等  
書於易學尤精

元余丙

遂安人幼喪母泣血成疾  
父亡不忍葬結廬于古山

下殯其中日開戶守視有收童遺火延殯廬丙  
與子慈亟撲不止欲投身火中俄暴雨火滅

姜

兼

淳安人七歲而孤與二兄養母至孝母喪廬墓  
朝夕哭奠躬自熬爨荒山中蔬食飲水一衰麻

寒暑不易同里陳氏戴氏子不  
能事其父母聞之皆慚悔迎養  
方道廡

字以愚連  
辰曾孫至

順進士授翰林編修撰后妃功臣諸傳累遷江西行省員外郎明初兩被召不起所著有春秋集釋

**魯淵**

字道源淳安人勵志為學舉進士為華亭丞明初屢徵不就所著有春秋節傳及策府樞

**要明徐舫**

字方舟桐廬人幼輕俠既習科舉業復棄之專為歌詩元行省參政蘇天爵將

薦之舫避去築室江阜日苦吟於雲烟出沒間劉基被徵遇桐廬邀之同行舫荷蓑笠以見酌酒賦

詩而別所著有瑞林滄江二集

**徐尊生**

字大年淳安人洪武初以遺逸舉與修元史竣事復

編禮書修日歷時宋濂乞致仕舉尊生自代拜翰林應奉文字草制悉稱旨以老疾乞歸所著有春

秋論及懷歸等稿

**張瑛**

字彥華建德人永樂中舉于鄉入國學歷刑部員外郎正統時推建

寧知府鄧茂七作亂瑛率軍分三路襲敗之遂奪其砦進右叅政仍知府事茂七既誅其黨林拾得

等特掠城下瑛與從父敬禦之乘勝遂北陷伏中敬死瑛被執大馬不屈死贈福建按察使

俞

鑑

字元器桐廬人正統進士授兵部職方主事英宗北征郎中胡寧當從行稱疾求代鑑慷慨許

諾或以子幼家遠沮之鑑厲聲曰此豈臣子言身家時乎尚書鄭瑩知其賢數與計事鑑曰惟力勸班師耳時不能用從至土姚夔字大章桐廬人正木遇害景泰初贈參德郎姚夔字大章桐廬人正事中陳時政八事景泰初擢南京刑部侍郎尋改禮部偕羣臣請復太子天順中進禮部尚書成化初以災異屢見乞罷西山新建塔院斥逐阿叱哩之徒勸視經筵裁決庶政帝優旨答之慈懿太后崩中旨識別葬夔率羣臣伏哭文華門竟得如禮進吏部屢陳時弊多採納夔才遠器宏表裡洞達朝儀未定者一言立決掌銓衡黜陟平允以延攬人才為務卒贈少保諡文敏子璧天順進士官兵



部郎中項忠勳汪直璧預謀逆商輅字宏載淳安人正統中鄉

會殿試皆第一授修撰郎王監國入叅機務徐珵倡南遷議輅力沮之進侍講景泰中累遷兵部左

侍郎兼左春坊大學士景帝不豫輅諫請立東官奏未及入而石亨輩已迎復上皇諷言官勅之斥

為民成化初以原官入閣首陳勤學納諫儲將防邊省冗官設社倉崇先聖號廣造士法凡八事帝

嘉納之累進吏部尚書謹身殿大學士帝將復邸王位號輅極言王有社稷功帝意遂決時汪直督

西廠數興大獄輅條直十罪遂罷西廠宜者忌之因力求去卒贈太傅諡文毅胡拱辰字共

之淳安人正統進士知縣縣有惠政擢御史疏陳時弊八事景帝即位屢疏多採納出為貴州叅政

威行邊徼歷廣西四川布政皆有平寇功成化中進兵部侍郎首疏請定儲位言甚剴切拜工部尚

書節財省事人皆便之以老乞歸宏治中巡按御史陳銓言拱辰退休十餘年生平清操如一日乞加禮異詔有司給廩祿正德初年九十

**俞蓋**

字廷臣桐廬人

天順進士擢御史出按江西治外戚王氏萬氏宗族恣橫罪坐事謫澧州判官大築陂堰溉田萬頃累遷勛陽知府乞歸何紹正字繼宗淳安人宏治進士授勅河南鎮守中官廖堂倚劉瑾勢擅擬選調瑾卿之坐頌歷尊駕失儀杖之闕下謫海州判官累遷池州知府築銅陵五十餘圩以備旱澇宸濠反攻安慶紹正登陴固守池賴以安終江西參政

**俞諫**

字良佐桐廬人蓋之子宏治進士授長清知縣累遷河南僉事擒嵩賊呂梅歷江西參議

平大帽山賊鍾士高正德六年擢右僉都御史治水蘇杭諸郡修治圩塘民享其利尋進右副都御

史提督操江姚源賊王浩八叛詔諫督諸軍討平之兼領江西巡撫再擊平臨川新淦賊討斬劇賊徐九齡羣盜悉平進都御史寧王宸濠諷言官劾之召還嘉靖初以故官總督漕運後討滅礦盜王堂等召掌都察院事卒

**王浚**

字德深建德人正德進士任荊州知州以

抑制劉瑾家奴下錦衣獄尋釋遷刑部員外郎復諫武宗南巡廷杖後遷貴州副使苗獠吳尚賢等倡亂討平之累官

**汪喬年**

字歲星遂安人天啓進士歷青州知府以治行

卓異遷登萊兵備副使崇禎十四年擢右僉都御史巡撫陝西時李自成已破河南總督傅宗龍敗殁于項城詔擢喬年兵部右侍郎總督三邊軍務喬年收散亡調邊卒率總兵賀人龍等出潼關賊方圍左良玉于郢城甚急而其老寨屯襄城喬年議趨襄城賊必還救良玉乘背夾擊可大破乃簡

精騎馳至裏城賊以數十萬衆來逆人龍等未陣而奔喬年嘆曰此吾死所也率殘卒入城拒守外援不至城陷巷戰手刃三賊為賊所執大罵賊割其舌磔殺之  
本朝乾隆四十一年

賜謚

忠烈 張連曜

字景明建德人崇禎中以薦授巴州同知張獻忠圍城踰月連曜晝夜死守及

賜入

忠義祠 陷馬賊死

本朝乾隆四十一年

邵子灼

字季可建德人

崇禎中以明經授邠縣知縣張獻忠來攻勢不支乃整衣冠懷印綬曰此人臣致身時也城陷死之

賜謚

節愍

本朝乾隆四十一年

胡尚綵

字景素淳安人崇禎中為鳳陽衛經

歷流賊犯境同留守協力奮擊却之已賊復至被執不屈死  
本朝乾隆四十一年

賜入

忠義祠

張日新

字心白建德人崇禎時由歲貢為宿松訓導遷齊東教諭見海內寇起時

與諸生講藝習射招土寇安守夏降之及齊東被  
圍與守夏登陴守城陷及子光裔死之妻方氏立

自刎守夏亦從之死 本朝乾隆四十一年 濮有  
賜入忠義祠

容 分水人崇禎時由舉人授安陸知縣流賊薄城  
竭力拒守賊合兵圍之遂陷一門十九人皆死

賜諡烈愍 本朝乾隆四十一年

本朝徐萬照 分水諸生父志進明襄陽通判順治初  
山賊執志述索餽貧無以應萬照奔前

救父願以身代賊不聽殺志 毛周尹 字藩侯遂安  
進萬照以頭觸之亦遇害 人少有至性

母卒哀毀骨立順治乙未山寇掠其父之恒索財  
取贖周尹鬻產稱貸三赴賊營求贖不得力已竭

號泣請以身質父歸周尹竟死于賊康熙間 旌  
其門同邑詹符負父避亂賊追及以身蔽父被殺

父辛

**毛際可**

字會侯遂安人順治戊戌進士授彰德府推官寧陵盜犯房有才等十三

人獄已定際可廉得其冤釋之改固城知縣修潞河五門堰以溉田再補詳符以博學宏詞薦罷歸

閉戶著書

**方象瑛**

字渭仁遂安人九歲能詩登康熙丁未進士以中書舍人薦試

博學宏詞校編修尋告

**徐士訥**

字恂若淳安人康熙丙辰進士授嵩

歸所著有健松齋集

縣知縣有治績湯斌稱之曰冰清玉潔實心愛民海內第一廉吏也擢知濟寧州歲飢賑恤全活十

萬餘人卒于官

**徐亮之**

桐廬人母歿築廬依墓以桐杖植于墓旁左右各活

一枝年六十九卒於廬乾

旌表

**申屠開基**

桐廬人父患背癰開基往

浦江求醫暮經羊角嶺遇虎乃跪地對天默禱虎

竟帖尾去及醫至曰毒已深入不可出宜不治開

基泣涕請以口吮癰冀出膿血以減其毒醫曰若  
既能為其難姑試之開基吮膿血至盡醫為投以  
藥父疾竟愈乾隆三十五年以孝旌表又遂安  
縣任鼎福余樹勳方之琪王思祖童愷余琪余性  
初吳可職姚鳳翱並以孝聞於  
康熙雍正乾隆間先後旌表

流寓漢嚴光

餘姚人少與光武同遊學光武即位除  
為諫議大夫不屈歸耕于富春山後人

名其釣處唐喻鳧

南昌人其先遭亂數遷開成中  
危以詩名聞於時徙家睦州之

分水縣嘗與方  
干賦詩往還

宋黃裳

延平人嘗遊桐廬讀書浮  
橋禪定院又寓居閬仙洞

自號紫  
元翁

豐稷

明州人徽宗時以劾蔡  
京安置睦州家于青溪

汪瑞友

陳留  
人靖

康初上書辨宣仁誣謗遭黜渡江寓  
居桐廬之蘆茨源自號七里先生

謝朝

長溪人  
少惆儻

有大志文天祥開府延平翺參軍事天祥死翺去之浙東登嚴子陵釣臺設天祥主以竹如意擊石作楚歌招之後卒即瘞子陵臺南著有詩八卷文二十卷

明王宗顯

和州人元末避亂僑

居嚴州胡大海克嚴禮遇之克發太祖即以宗顯知府事

列女宋徐氏二女

建德人長清次淳年及笄元兵下嚴州父師頃攜之避於薛山父適

出而兵奄至清謂淳曰吾家世清白寧死不受辱遂相牽投崖死

元王氏女

建德人至

大間父出耘舍旁遇豹為所噬曳之升山父大呼女識父聲驚趨救以父所棄鋤擊豹腦殺之父乃

得余士淵妻童氏

嚴州人姑性嚴待之寡恩童柔順無少拂其意至正十三年賊

陷威平官軍復之乃縱兵剽掠至士淵家童以身蔽姑衆欲污之大罵不屈卒以刀擊其左臂又一



卒斷其兩臂罵猶不絕遂遇害  
**明何道妻鄭氏**  
淳安人年十八而寡家貧無子守志

不屈舅姑欲奪其節自縊死  
**張佑妻宋氏**  
淳安人年十九歸佑二年佑卒時有挾勢

欲其更適者逼令登與度力不能勝乃佯許諾入室沐浴更衣從容自縊  
**何金鹿妻魯氏**  
淳安人年十六適何甫三載夫亡家貧舅姑憫其無子許再適童氏子魯聞自經死

**方氏**  
淳安人年十六許聘徐應芳未嫁應芳歿女聞欲奔喪父母不許乃毀容剪髮服衰哭勺漿不

**女**  
淳安人年十六許聘徐應芳未嫁應芳歿女聞欲奔喪父母不許乃毀容剪髮服衰哭勺漿不

**童敦妻**  
淳安人年十六許聘徐應芳未嫁應芳歿女聞欲奔喪父母不許乃毀容剪髮服衰哭勺漿不

**李氏**  
壽昌人少寡舅為其夫營葬所氏請結壙於旁示無他志父逼令改適氏知勢不可遏又

**李**  
慮死夫家遺禍舅姑乃屬舅姑以後事泣拜而歸自經死舅姑為送衣衾及棺至與敦合葬

志寧妻劉氏

壽昌人夫亡父母欲奪而嫁之劉號哭哀懇父母執愈堅遂製長幡繪夫

及已像於上置篋中泣別舅姑歸父母喜出迎方名媒妁議劉已投池死宣德元年旌表又淳安鄭

二枝妻方氏夫亡誓守後父以利啗其舅强委禽方飲藥死隆慶中旌表吳俸妻童氏

壽昌人倖亡遺孤二尚乳誓不再適日攜二孤號泣淚枯眇一目子就外傳躬紡績以充修脯及子

食餼乃嘆曰吾為未亡人二十餘年為汝等未成立耳今可以死矣遂不食死鄧中華妻

王氏桐廬人年十四適中華逾五年中華遭危疾執氏手泣曰氏誓以身殉中華卒越三日卜

葬氏先期棉沐更衣登樓縊死李氏女壽昌人許字翁應兆應兆

之以身赴火父母救止乃赴翁家乞立嗣居一小樓設夫位坐卧於旁奠食相對舅亡家落紡績以

養姑未幾姑亦亡隣火大起隣婦勸之避女曰此正我投命時也抱夫木主待焚須臾四面皆燼小樓獨存

余氏二貞女

遂安人長妙姿次妙善妙姿少許洪氏洪後貧不能聘父更許

富室任姓妙姿截齒髮其妹素友愛亦誓與同志父母百端諷諭終莫能奪二女性勤儉閨門整肅事父母盡孝年

葉迎妻盧氏

淳安人明末為亂兵至麓麓而歿

從逼以利刀氏大罵刎首而殞又有胡世宰妻繆氏亦不屈死

方希文妻項氏

淳安

人值方國安潰兵掠江潯避山間兵突至縱火肆掠婢挽氏欲與俱出氏正色叱曰出則死兵不出死火等死耳死

火不辱遂焚死

本朝顧明姑

於潛人許字分水何鼎新鼎新亡姑年十六奔喪哀慟弱姑勸之歸引刀矢死

乃聽其守貞家貧孝養舅姑父病  
到股療之立愈順治間 旌表 余和讓妻蔣氏

遂安人順治十二年賊掠銅山氏義不受  
辱賊斷其首身猶屹立持子授姑乃仆 張兆熊

妻何氏

分水人康熙十三年山寇竊發氏奉姑陳  
氏在室冠至欲刃其姑氏左右擁護死之

姑得免雍正  
四年 旌表

方翹妻吳氏

淳安人歸翹未二旬而  
翹歿氏奉姑惟謹姑病

以手承其穢不解帶者累月姑性卞急至是嘆曰  
吾得婦如是是無子有子矣越二十九年姑亡氏  
哀痛甚踰 洪光斗妻姜氏 遂安人年二十三夫亡  
二年亦卒 有諷其改適者氏引刀

斷指自誓康熙  
熙中 旌表

宋紹昌妻李氏

桐廬人年二十二夫  
亡強暴欲污之堅拒

不從而死同縣姚明妻袁氏姚昌妻汪氏陸東山  
妻姚氏吳竣妻邵氏趙應鑑妻柯氏張坤妻吳氏

王孟輝妻吳氏王日昇妻俞氏王日啓妻戴氏袁  
九寵妻濮氏張日煥妻柴氏徐承禮妻李氏戴廷  
予妻徐氏申屠士商妻鍾氏申屠士家妻倪氏吳  
永年妻張氏王始成妻孫氏章日炳妻戴氏趙尚  
瑗妻王氏方大衡妻傅氏趙日瑄妻王氏章日選  
妻姚氏吳士大妻邵氏邵觀光妻吳氏並守志不  
渝於康熙雍正章彬妻王氏遂安人彬病三年氏衣  
正間旌表  
無子誓以死從飲酒投繯墜樓皆不死乃絕粒十  
日而卒同縣方引騏妻毛氏毛廣宗妻汪氏方象  
珩妻黃氏章振藻妻姜氏方象琨妻余氏任邦題  
妻童氏方成輅妻胡氏毛周尹妻王氏洪光斗妻  
姜氏黃傲禧妻毛氏余鼎岑妻童氏余國傑妻王  
氏唐新元妻余氏毛鳴讓妻余氏王立極妻姜氏  
王立賢妻余氏吳可佐妻沈氏洪時遠妻余氏洪  
其溥未婚妻余氏並守志不渝於康熙雍正間

旌表方氏女遂安人方茂春女許字吳宏綱宏綱痘傷女年十五聞訃奔喪為夫營葬立孤

養孀姑守貞六十餘年康熙中旌表毛氏女遂安人許字洪祖選洪貧不能娶傭於常

山尋死女聞潛製衣經置笥中及祖選櫬還路經毛村女衰經迎道左擗踊哀號父挽之歸不從從

步扶櫬歸洪門績紡八年得葬地遂絕粒而死雍正中旌表馬自銓妻程氏建

人年二十二而寡一子又殤氏誓不更適姑日蔭扶持不離左右後殁哀毀備至遺田十二畝氏以

半歸宗祠為祭祀費僅留數畝紡績自給以守雍正中旌表劉毓璽妻沈氏分

人少寡遺娠生子復氏有豪家欲強娶之氏刺面毀容自誓舅沒棺浮淺土遭洪水漂去氏晝夜號

泣夜夢神告以棺在蕭山聞家堰匍匐往尋果得棺歸葬同縣張兆熊妻何氏陳玉璿妻汪氏張光

炳妻陳氏王時俊妻高氏王元信妻汪氏臧嘉儀妻劉氏王時溥妻陳氏姜雲衡妻徐氏潘積福妻

劉氏劉全侍妻高氏陳國先妻何氏劉洪豫妻徐氏王廷晃妻劉氏並守志不渝於雍正間旌表

洪兆霆妻邵氏

建德人夫亡守志乾隆四年旌表同縣馬天禧妻孫氏吳效高妻

唐氏施其懋妻郭氏宋之璉妻陳氏邵世畧妻洪氏許琳妻徐氏施畧妻馬氏汪君如妻仇氏宋友

仁妻任氏王邦傑妻蔡氏黃國柱妻宋氏王內聖妻錢氏吳光天妻郭氏施純宗妻黃氏潘一相妻

米氏徐上登妻柴氏夏鼎新妻徐氏又烈婦羅鴻薜妻王氏並於乾隆間先後旌表邵又

謙妻王氏

淳安人夫亡守志乾隆五年旌表同縣邵咸章妻汪氏吳懋妻方氏方景宏

妻吳氏方辰妻童氏宋元濟妻何氏汪智妻方氏邵能選妻胡氏何鼎瑞妻王氏王景儒妻錢氏張

士矩妻項氏吳正妻邵氏魯永寧妻方氏邵汝梅  
妻吳氏方策妻徐氏余元琇妻宋氏余家驪妻吳  
氏方大廷妻張氏胡葵妻吳氏吳謨妻方氏王昇  
妻陳氏姚永慶妻葉氏胡克先妻葉氏童文騏妻  
方氏黃有功妻向氏汪澎妻王氏王允鼎妻方氏  
江維吉妻汪氏胡光瑞妻汪氏余上章妻鄭氏張  
之和妻洪氏何家佑妻方氏應光斌妻王氏汪煥  
彩妻胡氏祝景武妻胡氏盧之輝妻向氏童士讓  
妻余氏殷嗣高妻錢氏方賓妻祝氏方之愷妻余  
氏應光烜妻鄭氏程之軒妻江氏邵廷綬妻張氏  
葉光秀妻胡氏何其彩妻方氏徐發榮妻吳氏方  
炳如妻徐氏祝萬鵬妻盧氏王元音妻方氏王之  
珩妻江氏方宜純妻齊氏錢大璣妻胡氏徐受和  
妻葛氏盧承烈妻邵氏邵興妻余氏唐鳴璉妻徐  
氏邵惇妻余氏吳肇周妻項氏徐大年妻王氏朱  
志宏妻陳氏徐景崙妻汪氏邵廷授妻張氏陸其



峻妻陸氏王作賓妻何氏王秉懿繼妻陳氏貞女  
何氏又吳方氏吳程氏吳盧氏胡方氏許錢氏陳

裴氏米程氏黃方氏吳汪氏葛方氏葉黃氏胡徐  
氏朱張氏祝萬鵬妻盧氏生員王元音妻方氏余

明璣妻方氏汪遇澶妻鄭氏章鼎華妻  
方氏並于乾隆元年以來先後旌表  
皇甫國妻

張氏

桐廬人夫亡守志乾隆元年旌表同縣徐  
志達妻張氏申屠驥妻袁氏章守魁妻張氏

王希慧妻葉氏羅名佐妻姚氏柴大本妻袁氏袁  
師愈妻喻氏王訪吉妻柯氏皇甫懷玗妻楊氏王

兩先妻柴氏徐嘉能妻鍾氏王怡妻傅氏章孔珠  
妻王氏戴瑞芳妻王氏柴永瀚妻來氏申屠士采

妻姚氏柯茂娘妻邢氏施日良妻胡氏俞士龍妻  
朱氏徐之斌妻李氏姚銓英妻張氏俞鴻聖妻張

氏宋士錄妻潘氏戚加錦妻王氏徐啓佑妻吳氏  
李華妻吳氏鄧日眼妻張氏李樹仁妻徐氏徐穎

妻方氏李蔚舒妻王氏方光熙妻吳氏魏天進妻  
王氏孫啓模妻姚氏徐日臨妻皇甫氏胡日新妻  
戴氏鍾茂權妻王氏章穀妻邵氏米懋德妻陳氏  
方彥初妻陳氏章永茂妻陳氏邵一千妻徐氏華  
康玉妻柴氏皇甫啓傳妻姚氏申屠承正妻朱氏  
申屠期枚妻王氏聞三成妻王氏戴日勝妻張氏  
陳啓武妻董氏周昌倫妻許氏王廷珍妻包氏施  
應分妻金氏方作鵬妻申屠氏王得統妻戴氏戴  
聖錄未婚妻姚氏吳瑜昌未婚妻陳氏方廷煦未  
婚妻申屠氏方期榮妻李氏羅日桓妻張氏並於  
乾隆年間先  
後旌表  
**吳瑛昌妻陳氏**遂安人夫亡守志乾  
余士佳妻方氏黃聚禧妻何氏余春蒔妻方氏洪  
肇啓妻蔣氏王啓璜妻余氏童翻妻余氏王聚昌  
妻姜氏金肇修妻章氏章石徑妻徐氏姜如蘭妻  
王氏徐自崑妻翁氏張友會妻胡氏鄭鎮南妻徐

氏鄭展邦妻畢氏余肇基妻徐氏余肇烈妻章氏  
方熙年妾毛氏李嘉慶妻汪氏鄭鎮崑妻余氏王  
師職妻鄭氏姜光恒妻余氏王尚性妻洪氏余永  
登妻邵氏洪令儀妻葉氏汪起先妻姜氏金挺賢  
妻方氏金信妻劉氏余際元妻嚴氏吳之松妻翁  
氏余允之妻汪氏余家琬妻汪氏方錫縉妻章氏  
余國華妻范氏童申穎妻余氏余之佐妻沈氏方  
錫紳妻洪氏姜之珍妻鄭氏方希哲妻黃氏伊惟  
椿妻鄭氏王政懋妻余氏俞祚受妻徐氏章鼎善  
妻汪氏余祖德妻鄭氏余孝德妻黃氏周鳴岐妻  
方氏鄭光本妻余氏章之恒妻姜氏姜可貞妻余  
氏姜大瑾妻余氏周梅妻余氏章伊蔚妻姜氏嚴  
爾復妻余氏蔣際健妻余氏姚恃明妻章氏任其  
峻妻陸氏余際周妻洪氏余國揚妻王氏任光弼  
妻洪氏姜光勳妻詹氏章宏建妻李氏詹能綱妻  
張氏余宗秀妻金氏余大綬妻章氏徐景崙妻汪

氏余世傑妻汪氏余志煌妻王氏姜良傑妻方氏  
方璵妻余氏姚文瀾妻王氏姜大猷妻方氏王序  
森妻姜氏章鼎象妻方氏王政恕妻毛氏江文鴻  
妻鄭氏余廷彩妻江氏並於乾隆年間先後旌

來  
蔣錫朋妻方氏

壽昌人夫亡守志乾隆元年旌表同縣方允愷妻葉氏方允

安妻翁氏蔣日潤妻翁氏方際雲妻劉氏  
方全搗妻蔣氏並於乾隆年間旌表

陳學尚

妻趙氏

分水人夫亡守志乾隆元年旌表同縣張兆清妻錢氏陳廷權妻章氏張膺妻黃

氏劉以登妻沈氏王姜妻皇甫氏劉言乾妻俞氏  
臧名淮妻馬氏吳國新妻宋氏王時耀妻陳氏陳  
上達妻劉氏陳文嵩妻劉氏陳有國妻俞氏何錫  
祿妻王氏何錫禧妻陳氏高兆慶妻陳氏高玉芳  
妻章氏劉永慶妻王氏劉永源妻高氏章如龍妻  
王氏王賓莘妻張氏盛漢才妻陳氏王弓一妻劉

氏何輯妻章氏張念祖妻何氏張永康妻方氏鄭潤妻劉氏生員徐濯妻沈氏徐可綱妻方氏並於

乾隆年間先

後旌表

仙釋三國吳陳暉

桐廬人仕吳為征寇將軍有仙術嘗於餘姚一夕築九里塘不假人

力而成今桐廬南北二鄉多陳侯廟即暉也

唐稠錫

桐廬人開元中住南岳庵前稠木自

開因號稠錫和尚屢著神異常有二虎偕行

山康

縉雲周氏子十五學佛遊諸方貞元中至

睦州乞食得錢誘小兒誦阿彌陀佛康聲獨高眾見佛從康口中出坐逝之夕有光燭天宋賜號廣

道大

道明

睦州陳氏子學禪于黃蘗嘗自織草屨鬻以奉親及施行路者黃巢兵犯境郡

人恟懼道明為大草屨標之三十里外巢見之即舍去宋元符中賜號悟空禪師

土產文綾

唐書地理志睦州土貢元  
和郡縣志又貢交梭絲布紵  
睦州土貢

白石英

唐書地理志遂安石英  
山有白石英以供貢  
竹簞  
睦州土貢

茶

唐書地理志遂安土貢細茶太  
平寰宇記睦州土貢鳩坑團茶  
漆  
睦州土貢

縣出桐油

明統志淳安  
壽昌二縣出紙  
明統志建德  
淳安二縣出梭  
各縣  
龍膽

草

本草綱目睦州龍膽性苦寒似膽故名  
唐書地理志建德遂安有銅今無謹附記  
案

欽定大清一統志卷二百三十四

欽定四庫全書

欽定大清一統志卷二百三十五  
史部

給事中臣劉湄覆勘

總校官檢討臣何思鈞




溫


州

府

圖

温州府圖









縣順泰

縣陽平

縣清樂

縣

回浦縣地 後漢章安地	回浦縣地 後漢章安地	回浦縣地 後漢章安地	
	吳安陽縣地		屬臨海郡
安固橫陽二縣地	橫陽縣 太康四年 夏始陽縣 屬臨海郡 後更置 屬永嘉郡	樂成縣 字康永 嘉郡	嘉郡
	橫陽縣	樂成縣	
	橫陽縣	樂成縣	
永嘉縣地	省入永嘉	廢	
州 二縣 屬安撫陽	橫陽縣 武德五年 復置 屬永嘉 初廢 屬溫 初復 屬溫	樂成縣 初復置 屬永嘉 初廢 屬溫 初復 屬溫	縣屬永嘉 州上元 初改屬溫 州天復 二年更名
	平陽縣 梁乾化中 吳越改名	樂清縣 梁時吳越 屬瑞安府	
	平陽縣 屬瑞安府	樂清縣	
	平陽州 元貞初升 州仍屬溫	樂清縣 屬溫州府	路
泰順縣 字泰三年 屬溫州府	平陽縣 屬溫州府	樂清縣	州府

欽定四庫全書

欽定大清一統志卷二百三十五

温州府

在浙江省治東南八百九十里東西距一百七十九里南北距五百里東至海岸九十里

西至處州府青田縣界八十九里南至福建福寧府霞浦縣界三百里北至台州府仙居縣界二百里東南至大海一百里西南至福寧府壽寧縣界三百八十里東北至台州府臨海縣治三百里西北至處州府麗水縣治三百六十里

自府治至

京師四千三百十里

分野天文斗分野星紀之次

建置沿革禹貢揚州之域春秋戰國屬越漢初為東

甌國後為會稽郡回浦縣地後漢永和三年置永

寧縣仍屬會稽郡

見後漢志而沈約宋志作永建四年立元和志又作晉立恐誤

三國吳屬臨海郡晉太寧元年分永寧等四縣置

永嘉郡宋齊以後因之隋平陳廢郡屬處州十二

年改名枯州大業初復為永嘉郡唐武德五年置

東嘉州領永嘉永寧安固樂成橫陽五縣貞觀元

年州廢縣屬枯州上元元年分枯州地置温州天

寶初曰永嘉郡屬江南東道乾元初復曰温州屬



浙江西道五代屬吳越晉天福八年升為靖海軍  
節度宋初仍曰温州永嘉郡太平興國三年降為  
軍政和七年升應道軍節度使建炎三年罷咸淳  
元年升瑞安府以度宗潛邸也屬浙東路元至元十三年  
置温州路隸江浙行省明洪武初改曰温州府屬  
浙江布政使司

本朝因之屬浙江省領縣五

永嘉縣

附郭東西距一百六十里南北距三百二十里東至海岸七十里西至處州府青田

縣界九十里南至瑞安縣界二十里北至台州府  
仙居縣界二百里東南至大海一百里西南至瑞  
安縣界三十五里東北至樂清縣界三十里西北  
至青田縣界一百里漢初為東甌國後為回浦縣  
地後漢初為章安縣地永和三年置永寧縣屬會  
稽郡三國吳太平二年屬臨海郡晉太寧初為永  
嘉郡治宋齊以後因之隋廢郡改縣曰永嘉屬處  
州大業初仍屬永嘉郡唐初為東嘉州治州尋廢屬  
括州上元初始為溫州治五代因之宋為瑞安府  
治元為溫州路治明為溫州府治 本朝因之 **瑞安縣**

在府南八十里東西距二百十里南北距六十七  
里東至大海十里西至泰順縣界二百里南至平  
陽縣界十五里北至永嘉縣界五十二里東南至  
大海二十里西南至平陽縣界五十里東北至永  
嘉縣界三十里西北至處州府青田縣界一百五  
十里漢回浦縣地後漢為章安縣地三國吳析置

羅陽縣孫皓改曰安陽屬臨海郡晉太康元年又改曰安固太寧初屬永嘉郡宋齊以後因之隋省入永嘉縣唐武德八年復置安因縣屬東嘉州尋屬枯州上元元年割屬温州天復二年改曰瑞安五代及宋因之元元貞初升為瑞安州仍屬温州路明洪武二年復降為縣屬温州府本朝因之樂清

縣

在府東北八十里東西距七十里南北距九十五里東至海十里西至永嘉縣界六十里南至海五

里北至台州府仙居縣界九十里東南至海十里西南至永嘉縣界五十里東北至台州府黃巖縣界一百二十里西北至仙居縣界二百里漢回浦縣地後漢永寧縣地晉寧康三年析置樂成縣屬永嘉郡宋齊以後因之隋廢唐武德五年復置樂成縣屬東嘉州七年廢入永嘉縣載初元年復置屬温州五代梁時吳越改曰樂清宋仍屬温州元屬平陽縣在府西温州路明屬温州府本朝因之南一百

三十里東西距一百五十里南北距二百十五里東至海二十五里西至泰順縣界一百二十五里南至福建福寧府霞浦縣界一百八十里北至瑞安縣界三十五里東南至海十八里西南至霞浦縣界一百里東北至瑞安縣界二十里西北至瑞安縣界二十里漢回浦縣地後漢章安縣地三國吳為安陽縣地晉太康四年置始陽縣屬臨海郡尋改曰橫陽太寧初屬永嘉郡宋齊以後因之隋省入永嘉縣唐武德五年復分置橫陽縣屬東嘉州貞觀初廢大足元年復置屬温州五代梁乾化四年吳越改平陽宋因之元元貞初升為平陽州仍屬温州路明洪武二年復降為縣屬温州府本朝因之

**泰順縣**

在府西南三百七十

里東西距一百二十里南北距一百三里東至瑞安縣界一百十里西至福建福寧府壽寧縣界十里南至福寧府福安縣界三里北至處州府景寧縣界一百里東南至平陽縣界一百六十里西南至福安縣界

八十里東北至處州府青田縣界一百十里西北至景寧縣界一百里漢回浦縣地後漢章安縣地晉為安固橫陽二縣地隋為永嘉縣地唐為瑞安橫陽二縣地明景泰三年始析置泰順縣屬温州府本朝因之

形勢控山帶海利兼水陸實東南沃壤一巨都會

歐陽詢

藝文類聚

當甌越之衝負海山之險祝穆

方輿

勝覽

枕江界溟天設奇險危梁層巒環列四境

明王

瓚府志

襟帶大海與列島對峙北毗台寧南臨閩

越為東南要害之區

府志

風俗海育多於地產商賈貿遷魚鹽充叔

府志

其俗剽

悍以嗇其貨纖靡其人多賈其士任氣而矜節

明席

益吉記

地不宜桑而織紵工不宜漆而器用備不宜

粟麥而杭稻足

府志

城池温州府城

周十八里門七南臨河北負江東西為濠明洪武元年建本朝順治康

熙中屢修雍正七年重修

瑞安縣城

周六里有奇門五西倚山臨江東南北有濠明時改

築

樂清縣城

周九里有奇門六明嘉靖中建

平陽縣城

周三里一百八十四

步門四有濠元至正中重建

泰順縣城

周三里門四濠廣六尺明嘉靖九年建本朝

順治六年  
增建月城

# 學校溫州府學

在府治東南宋天禧三年建 本朝  
康熙二十三年重建乾隆二年修入

學額數二十五名附  
入玉環額數四名

## 永嘉縣學

在縣治東南宋元  
祐三年建 本朝

康熙中屢修乾隆八年  
修入學額數二十五名

## 瑞安縣學

在縣治東宋政  
和六年建 本

朝康熙雍正中屢修  
入學額數二十名

## 樂清縣學

在縣治南元至元  
未遷建 本朝康

熙十二年重建入  
學額數十六名

## 平陽縣學

在縣治東南鳳凰山  
下宋元祐中建 本

朝順治康熙中屢修乾隆十  
三年重建入學額數二十名

## 泰順縣學

在縣治南  
明萬曆二

十九年改建 本朝康熙六十年重  
建乾隆五年修入學額數十二名

## 東山書院

在府

城東南 本朝雍正中巡道芮復傳建又鹿城書院在城東北隅明宏治中郡守鄧淮建 按府城西南有永嘉書院宋淳祐中建瑞安縣有心極書院明知縣劉畿建又羅山書院明張孚敬建樂清縣有宗瞻書院宋建祀朱子平陽縣有會文書院宋陳經正等講學處今皆圯廢又永嘉瑞安二縣並設有義學社學

### 戶口

原額人丁二十二萬一千八十五又滋生人丁一百二十四萬四千八百七十二

### 田賦

田地山蕩等共二萬二千一百三項六畝四分零額徵地丁銀一十二萬六千五百六十六兩

七錢四分零米四萬六千三百六十六石一斗二升零

### 山川華蓋山

在府治東李吉甫元和郡縣志山在温州東一里寰宇記山去子城一里周廻



九里遙望似華蓋有湧泉旱不減雨不加謝靈運與弟書云地無佳井賴有山泉指此舊志今亦名

東山郡城緣其上下有容城洞道書以為第十八洞天又云郡城有山凡九形家謂之九斗山而華

蓋當其口今城東南緣積穀山東北緣海壇山西北緣郭公山西緣松臺山餘四山則峙於城南三

面也東山在永嘉縣東太平寰宇記在溫州子城東四里北臨永嘉江東接滄海瞿嶼

山在永嘉縣東二十里獨峙江濱相傳吳貞女瞿素所居石室山在永嘉縣東七十里

太平寰宇記楠溪入一百二十里有石室北對清泉高七丈廣十三丈深六十步可容千人狀如龜

背石色黃白扣之聲如鼓沿山石壁高十二丈古老傳云是石室步廊中界山在永嘉縣

東三百里海中明洪武二年倭嘗犯此舊有中界巡司戍守後遷於永昌堡又有靈崑山與中界山

並時

海中松臺山

在府治西一名淨光山又名宿覺名山巔有浮圖為郡城之表又有海壇

山在縣治東北

金丹山

在永嘉縣西一里太平寨

其支阜為慈山

其色紅赤遠

西山

在永嘉縣西五里連嶺疊巘為

望如霞映水

城西岑

仁王山

在永嘉縣南五里旁有小阜曰湖

即此

里下有

吹臺山

在永嘉縣南寰宇記其山狀如樓

賜湖

之竹

舊志山在郡城南二十里高處平正如臺山麓廣袤二十餘里山陰為永嘉界南為瑞安界

羅浮山

在永嘉縣北寰宇記在州北八里高三十丈周徵永嘉志云此山秦時從海中浮來

舊志山在江北岸一岑孤立半浸

永寧山

在永嘉

江中與孤嶼相望一名密羅山

里一名北山郡之主山也峯巒連屬綿亘八里西有石崖懸瀑高百餘丈名曰水滌相近華嚴山永

寧之支隴也有石質可為硯石門山在永嘉縣北十五里上多名勝謝靈運嘗遊此有詩

凌福山

在永嘉縣北六十里永寧江中一名雞嶼山

孤嶼山

在永嘉縣北江中與

城相對東西兩峯上各有塔謝靈運詩孤嶼媚中

川謂此宋建炎四年高宗嘗駐蹕賜兩塔院名曰

龍翔興慶德祐二年益廣二王走温州陸秀夫張

世傑等共會於此舊志昔時兩峯對峙江流貫其

中後為沙積穀山在府城東南隅寰宇記山西北

於遂相連去州子城二里其山獨出一峯

有飛霞洞南有謝公巖明統志作謝客大羅山在

巖云謝靈運題詩石崖間今已蕪沒永

嘉縣東南一名泉山寰宇記從永寧南出三十里

東北枕海永嘉記云山北有衆泉天旱此泉不乾

故以名山山東有瀑布長數十丈頂有湖中有孤  
巖獨立舊志在郡城東南四十里廣袤四十里上  
有菊花卧龍等潭及版障巖霹靂尖諸勝  
其支隴以山名者凡十有六盤踞尤遠

### 岷岡山

在永嘉縣西南三十五里  
峯巒峻拔潭谷杳邃

### 瞿溪山

在永嘉縣西南三十五里宋謝靈運

有過瞿溪山飯僧詩掛綵山在永嘉縣東北二十里其

### 青巖

山在永嘉縣東北二百里海中兩山對峙如門亦  
名青巖門宋永明中郡守顏延之於此築亭望

海

### 破石山

在永嘉縣西北二十里臨江壁立如張  
帆然安溪繞其下永嘉記永嘉南岸有

帆石即此青嶂山

在永嘉縣西北四十里上有  
大湖澄波浩渺一名七峯山

### 赤水山

在永嘉縣西北一百三十里時有赤水出巖下一  
名石室山上有石室可坐千人道書以為第十二

福地亦曰大若巖其相近者又有小若巖東西兩溪合流其下匯為龍潭

**天臺山**

在永嘉縣

西北赤水山之北山形如甌前後環列十三峯

**石簣山**

在永嘉縣西北一百八十里太平寰

宇記上有方石形狀如簣云昔黃帝絨玉版金券篆冊於此

**白巖山**

在瑞安縣治東一名

龍山亦名白鹿巖

**鳳凰山**

在瑞安縣東三百餘里海中南近江口其西有江橫山兩山相

對如門號鳳凰門昔時海舟往來可泊此避風夏有蜃氣覆其上明嘉靖中倭盤踞於此

**陶山**

在瑞安縣西三十五里周僅二里前江後湖陶宏景嘗居此道書以為第七福地

**許峯山**

在瑞安縣西四十里世傳許遜煉藥其上高數千仞海舶視為方智俗呼景福山

**福全山**

在瑞安縣西四十五里亦陶宏景隱居處道書以為第三十三福地有花巖潭龍耕潭山之北有白

雲巾子山

在瑞安縣西六十五里有七星潭早可禱雨

郭畧山

在瑞安縣西一

百七十五里有陽清泉味甘潔飲之可愈疾

寶香山

在瑞安縣南十五里小興臨江

水繞狀如浮虹集雲山

在瑞安縣治北跨帆遊崇泰清泉集善四鄉縣之主山也

帆遊

山

在瑞安縣北四十五里東接大羅山與永嘉縣分界為舟楫要衝永嘉記地昔為海多過舟故

山以名唐張又新詩溟海嘗從此地流平帆飛過碧山頭

廟山

在瑞安縣東南五里亦曰安祿

廟山高秀障蔽海門山下有兩巖蜿蜒入海又有玉泉洞可容百人其泉通海

遮浦山

在瑞安縣

安縣西南三十里其南為坑嶺接平陽縣界明嘉靖中設險於柘浦山天門埭以拒倭柘浦即遮浦

也仙巖山

在瑞安縣東北四十五里當大羅山之陽巖有黃帝池廣五百餘畝水分八派

注為溪潭高下相屬道書以為第二十六福地宋陳傳良讀書於此朱子嘗訪之書溪山第一四字

雲頂山

在瑞安縣東北五十里亦大羅

東塔山

在

清縣治東有文峯形聳如筆宋紹興中祥雲見其  
上明年王十朋廷對第一又有西塔山在縣治西

有天柱峯

九牛山

在樂清縣治東上有九大石橫列遠望若九牛然以謝靈運曾

遊又名

窪窰山

在樂清縣東五十里高數千仞海舟望以為準本朝康熙初設城

立營於

芙蓉山

在樂清縣東六十里有三峯聳立此今廢芙蓉山紅赤相映如芙蓉隋書地理志永

嘉有芙蓉山即此

雁蕩山

在樂清縣東九十里東聯溫嶺西接白岩南跨玉環北控蒼嶺

盤曲凡數百里其峯百有一谷十洞八巖三十爭  
奇競勝遊歷難遍舊志云山跨樂清平陽二縣在

平陽西南者曰南雁蕩此為北雁蕩有東西內外  
谷東外谷之峯五東內谷之峯四十有八西內外  
谷之峯各二十四諸峯峭拔險怪上聳千尺皆包  
諸谷中自嶺外望之都無所見至谷中則森然千  
霄絕頂有湖方十餘里水常不涸雁之春歸者留  
宿焉故曰雁蕩有大小龍湫會諸澗水懸崖數百  
丈飛瀑之勢如傾萬斛水從天而下沈括謂天下  
奇秀無逾此山謝靈運為永嘉守酷好搜奇而不  
及雁蕩其時山實榛莽莫之或知也至宋太平  
興國初僧全了棲止是山建靈巖寺山始顯名丹  
霞山在樂清縣治西舊名白鶴山曾有白鶴棲鳴  
山上山色多丹亦名赤巖山唐天寶六載改  
今名有蓋竹山在樂清縣西三里中有洞號寶光  
雙瀑潭長耀洞天舊有八今惟三洞可通  
蒼崖盤折峭壁平西滌山在樂清縣西五里三面  
原奇勝不可勝紀



東南軒豁如門大海橫其前可望日出山北有章瀑布從懸崖而下飛流濺沫雖盛夏涼氣逼人章

**舉山**

在樂清縣西十二里亦名雙峯山有東西溪夾山而流稍西為盤谷山以山谷盤旋而名

東面海俗稱鹽盤山

**白石山**

在樂清縣西三十里一名白石巖高千丈周二百三十里純石

無土唐天寶中嘗改名五色山洞壑出泉東西流五六里合而為湖山中有藏真塢百丈岩諸勝又西十里有玉甌峯即白石之別峯登

**玉環山**

在樂清縣

東南海中太平寰宇記玉環山一名木陋嶼又名地肺山在海中周迴五百餘里去郡二百里上有流水潔白如玉因以為名按登真隱訣云郝司空先立別墅於此東晉居人數百家至今湖田見在通志舊名木嶼亦名木榴界溫台之間分屬樂清太平二縣延袤七百餘里四面距海外際大洋實

溫台之門戶全浙之藩籬也明洪武中因倭賊來犯徙民於內地是山孤懸海外本朝雍正五年

展復築城濬池建壇廟軍營招徠

**倪舉山**

在樂清縣南三

農氓設官駐防遂為海疆重地

十里海中山頂有水懸崖如線山下即

海洋海洋中一泓獨澄碧亦名倪嶼潭翔雲山樂

清縣治北亦曰縣後山東接雁蕩西連白石盤嶼

高山大谷雜齒若翔雲奇峯茂林為邑屏障

山在樂清縣西南太平寰宇記在州西北七十里

上有淡水謝靈運遊海口盤嶼山詩云遨遊碧

河渚坦蕩丹山峯舊志今在縣西南五十里濱

海明初朱亮祖襲方明善於此其下即盤石衛簫

**臺山**

在樂清縣西南十五里一名玉簫峯

**左源山**

在樂清縣東北三

中有田二千餘畝民居悉藏谷中山有四景

曰梅溪蓴湖左嶺小雁蕩王十朋有四景詩**仙壇**

山 在平陽縣治東本名橫嶼亦曰橫嶼三國吳置橫嶼船屯蓋以山名上有九盤嶺明統志上有平

石方十餘丈號仙壇其旁有竹林風來成韻垂掃壇上殊無塵籜號掃壇竹 象灣山 在

陽縣東二十里其形如象山 南龍山 在平陽縣東東南有仙人足跡又名仙灣 海中明時倭

自北洋而來此為必經之道其相近者又有銅盤山 錦屏山 在平陽縣西一

時蒼翠西六里為沙 嶺門山 在平陽縣治前南隅岡山下有葛鰓泉 山分左右翼中闕如

門 林亭山 在平陽縣南十里瞰海有大石蹲踞可就觀日出旁有石室相傳神人所棲

麥城山 在平陽縣南十里枕海上 厦材山 在平陽縣南一

百五十里東南枕海西連 傘蓋山 在平陽縣南一福州沙埕港為要隘之所 百六十里枕海

有小祭  
水出焉  
**鳴山**  
在平陽縣北五里山腹有洞中恒有聲其中有小山七突立平原一名七

星  
**焦下山**  
在平陽縣北十五里山巔有洞泉流為飛瀑宛若雁蕩龍湫  
**南鹿山**

在平陽縣東南海中有平壤數千畝稱饒大環海員島其北接鳳凰山山黑濶大坐臨深海山外皆大

洋明時倭每棲泊於此特為巢穴乘  
**大巖頭山**

潮御風直抵飛雲港此為哨守要地  
**昆**

在平陽縣東南海中海防考倭自南鹿鳳凰電  
**山**  
在平陽縣治西南絕頂有巨岩俗名古巖山有二老木冬夏常青下有穴空洞可容數十人

**鳳山**  
在平陽縣西南二十五里臨江綿亘數里一名錢倉山其相接者有青華山上多奇石

**蓋竹山**  
在平陽縣西南五十里上有華  
**樓石山**  
在平陽縣西南五十里上有華蓋峯及黑白二巖下有龍湫

陽縣西南寰宇記從平陽江西上十五里其山西  
峯頓聳三石鼎足之象舊志山在縣西南五十里

三尖頂立並高百仞杪如劍鋒周四十  
三里遠望如樓閣海艘以為南北之準 **玉蒼山** 在

陽縣西南八十里一名八面山周百餘里稍北岩  
岫四圍止通一門中有石室方丈又北為苕溪山

凡三十六面林壑 **松山** 在平陽縣西南八十里峯  
山源神仙窟宅也 **松山** 巒攢簇高秀與玉蒼相亞

又南為凝翠山去縣八十五里綿亘  
十餘里跨福寧州界舊設軍營於此 **南雁蕩山** 在

陽縣西南百里北自穹嶺南至施谷四五十里皆  
雁蕩也中有明玉峯峯頂有池五代時僧願齊尋

訪名山至此曰此山水盡處龍雁所居豈非西域  
書所謂諾矩羅震思雁蕩龍湫者耶因結茅其間

山有十三峯三洞二 **白雲山** 在平陽縣西南百里  
巖澗石類皆奇勝 **白雲山** 與雁蕩相接高出雲

表中有澗濶數十步遊者援藤而進名曰藤道上  
有玉簾瀑泉寒瀑飛宗滅沫最為奇勝四

溪山

在平陽縣西南百里接泰順縣界一名西山  
壁立千仞橫亘十里有四十二峯下有四水

合流沿山而南入於海

飛龍山

在泰順縣城東陵谷蜿蜒如  
飛龍又城西有舞鳳山環夾

縣治龍關山

在泰順縣東一百十里下有龍關渡  
元末嘗置寨於此東接瑞安縣界

萬

羅山

在泰順縣治前孤  
峯獨峙為縣之勝

三魁山

在泰順縣南六十  
里有東山西章中

龜三峯故名又南十里有  
仙山有二石井旱可禱雨

天關山

在泰順縣治北  
一里下有龍湫

百丈山

在泰順縣北三十五里  
峻絕奇秀有百丈瀑

分水山

在泰順縣  
東南一百

六十里與平陽縣接界泉發隴上東西分流  
以限閩浙山下地名平水達前倉江可通舟白若

嶺

在樂清縣東謝靈運渡江而上從斤竹澗過白若嶺即此

白沙嶺

在樂清縣東十里為

水陸要衝漢武遣下瀨將軍出白沙擊東越或曰即此

丹芳嶺

在樂清縣東四十五里路

入雁蕩西谷凡四十九盤

說法巖

在樂清縣西馬鞍嶺上王象之與地紀勝宋陳覺嘗於東

峯望見岩下一木如蓋捫蘿至其所見藤蔓纏繞一人其形如石乃入定僧也乃結菴於傍居二月

餘僧久伸張目曰吾衣寄岩間有虎守之持吾錫杖以取覺往覓見杖而去持衣授僧拜懇說法山中

鳥獸鬼神皆來聽受

滴水巖

在泰順縣東四十里石壁峭拔溪流湍悍舊時可容仄足明弘

治中闕

白石洞

在樂清縣西四十里相傳十二真人所治之地

寬礮

在永嘉縣

東一百餘里海防考倭船南北往來多泊於此逕達盤石衛城最為險要

海

府而北為平陽縣東南去海二十五里其北為瑞安縣東去海十里又北為永嘉縣東去海九十里又北為樂清縣南去海五里又東北接台州府太平縣界亦曰白沙海通志溫州之海延袤四百餘里海道南至福州八百二十里北至台州三百三十里其間深洋最多自流江至鎮下門飛雲海安黃華蒲岐諸港所在水路衝達外則霓巖三盤南鹿南龍均為海山之要害而玉環島嶼孤懸水陸交錯實溫台二郡之門戶

永寧江

在永嘉縣北元戒備尤不容以不察也

名永寧江在州東三里太平寰宇記永嘉江亦名溫江東自大海西通處州青田溪舊志在縣北門外今名甌江又名蜃江源自括蒼諸溪匯流入境東至盤石窰村匯於海洋茫無際涯是謂甌海潮汐往來旁流四達南抵瑞安北抵樂清內通三洲四溪及十三鄉十三浦無不悉貫焉

安陽



江

在瑞安縣南門外吳時名羅陽江唐時名安固江亦名瑞安江又名飛雲渡其上有二一自

福建政和縣東北之溫洋謂之大溪一自處州青田

縣東南之木覓嶺謂之小溪合諸山溪之水東流

入縣境至陶山南口合流又東至縣南水濶百餘

丈東接海口又三港口在縣西南四十里大溪上

流又羅陽大洪莒江三

水自西北來會因名

館頭江在樂清縣西南六十

甌江東流經盤石衛

又經白沙嶺入海橫陽江在平陽縣西南二十

名前倉江上流有四港其一為順溪匯縣西境諸

鄉之水東流一為梅溪出蓋竹山東注於江一為

平水自泰順縣界合澗谷諸水經松山下合於江

一為燥溪上流為宋蘭洋亦縣西南諸溪水會流

經縣西七十里燥溪山下分為東西二溪又經縣

南五十里俱注於江又東南流出縣東南二十五

里經江姚溪在永嘉縣東五里源出大羅山東谷口入海姚溪之水引為姚溪經縣東入永寧江西

谷之水引為杜鰲溪經柘溪在永嘉縣北一里太縣南二十里入慈湖平寰宇記在溫州西

南一十五里水入溫江府志源出仙居諸山與縣界四鄉水合流為櫟樟羅藤蓬玲小李八溪至朝

添合入安溪在永嘉縣西北六十里上接青田惡永寧江安溪溪七十二灘之水入縣界始安流而

東經破石山下亦名張帆溪東溪在樂清縣治東又東南注於甌江為安溪港東溪亦名雲溪源出

縣東北羣山中西南流四十餘里入城東北門至縣治東名東溪又西南與西溪合流為運河分二

流一經縣南入海一西南流直注館頭江凡六十里仍名運河支流旁達灌田二十餘萬畝西

溪在樂清縣治西源出白鶴石橋諸山懸崖而為雙瀑潭至城南與東溪合流一名金溪

梅溪

在樂清縣東北二十五里源出左源山東至萬橋港入海宋王十朋取以為號仙居

溪

在泰順縣東一十五里源出縣西北諸山東流經仙居山下又經縣東四十里洪口渡又東合

百丈溪經龍鬬山下抵瑞安界入海蓋亦安陽江之上源也

白溪

在泰順縣西四里有三源

俱出天閣山合流經縣南十五里又西南流達福建壽寧寧德縣境入海

象浦河

在樂清縣

西六十里南出數十里達館頭江隔山不與西河接舟楫出入多取道於此

運塘河

在平

陽縣城北自縣北歷鳴山下北抵瑞安飛雲渡凡三十五里旁有萬金塘

萬橋港

在樂清縣

東六十里窰畝諸山之水至此入海亦曰萬橋江

芙蓉川

在樂清縣東七十里亦名芙蓉

港一自小芙蓉南至芙蓉塘口入江一自雁蕩山西北外谷至長嶼為大川入江

慈湖

在永嘉縣

欽定四庫全書

欽定大清一統志

卷一百三十五

三

南二十五里吹臺山下合南境之水入瑞會昌湖  
安江又有滄湖在縣東七十里下流入海

在永嘉縣西南五里受郭雄瞿三溪之水郭溪源  
出縣西鐵場諸山雄溪瞿溪源出瑞安諸山三水

合流匯而為湖起於漢晉間至唐會昌四年太守  
韋庸重浚治之因名其近城西者曰西湖在城南

者曰南湖實一湖也湖支港甚多其自城東南出  
南塘直抵瑞安江者亦名瑞安湖延袤七十餘里

**東湖**

在瑞安縣東門外源出白岩諸山引流經縣  
北至帆遊山接會昌湖直達永嘉南門又縣

北二里有北湖源出集雲山一  
名錦湖環繞城北接於東湖 **永豐湖** 在瑞安縣  
西七十五

里源出逢源山周迴十  
里水常不竭民賴其利 **謝公池** 在永嘉縣太平寨  
宇記在溫州西北

三里積穀山東謝靈運登池上樓詩云池塘生春  
草園柳變鳴禽即此明統志池頗澄湛俗呼靈池

浣沙潭

在府治西一名蜃川明統志城中五水合乎五行雖旱不竭五水謂此及石龜潭雁

池水壺潭

在瑞安縣東四十五里仙岩山潦波潭也

玉函潭

在瑞安縣東四十五里仙岩山下潭上之山狀如石函相近為梅

雨潭上有飛瀑數丈分流

石門潭

在樂清縣雁蕩山上有十八灘

水匯流於此兩崖如門產鯉旁

百丈潭

在樂清縣西四十里

其深不測雲起則

第一祭

在泰順縣南二里高二十餘丈懸崖直下又連

雨一名百濟潭

七漈達福建

斤竹澗

在樂清縣東七十五里謝靈運詩過澗既厲急即此

壽寧縣界

水泉

在樂清縣東北南閩山下峭崖千尺泉水迸崖而下匯為澄潭廣八九畝

三黃井

在樂清縣治東北山上其水發源柘溪懸崖而下是為大三黃井高二百丈非捫崖不可上潭水深

黑望之悚慄其西  
又有小三黃井

# 古蹟永嘉故城

今永嘉縣治後漢置曰永寧隋改名元和志即漢回浦縣之東甌鄉上元

二年於此置温州縣移在州東百八十步舊志晉太寧初置郡議築城於江北岸去今城六里今猶謂其地曰新城尋遷江南岸東西附山北臨江南環會昌湖跨山為險名曰斗城謂城內有山錯立如北斗也亦謂之鹿城時有白鹿啣花之瑞云五代梁開平初錢氏增築外城亦曰羅城又有子城在府城內亦錢氏築元至元中廢

## 東甌故城

在永嘉縣西南史記高帝時越功閭君操功多乃立操為東海王都東甌索隱曰甌水名永嘉記甌水出永寧山行三十餘里去郡城五里入江昔有東甌王都城有亭積石為道今猶在府志東甌王故城在永嘉縣西南

三十  
羅陽故城 在瑞安縣東北三國吳  
置晉太寧初遷今所 樂成故城

今樂清縣治元和志縣去溫州一百二十四里本  
漢回浦縣地東晉孝武分永寧縣置縣志後梁開平二

年錢氏以避梁祖  
諱改名樂清 橫陽故城 在平陽縣北宋書州  
郡志晉武帝太康四

年以橫嶼船屯置為始陽復更名橫陽元和志縣  
北去州一百五里大足元年再置寰宇記今為平

陽縣以邑有  
平陽嶺故名 王環故城 在王環北隔港岸上明洪  
武二十年信國公湯和建

為所治今祀王環志王環故城在仙人山今名古  
城頭明洪武二十年徙居民於腹裏令城址尚存

羅洋舊鎮 今泰順縣治本瑞安縣地明景泰中巡  
撫孫原貞討平鄧茂七葉宗留之亂奏

劉瑞安之義翔鄉十二里平陽之歸仁鄉六  
里置縣於羅洋鎮以民心向化賜名泰順 謝公

樓

在府城拱辰門上謝靈運守郡時恒遊憩於此

思遠樓

在府城西南宋守劉述建面西

山諸峯下

藏會昌湖滄浪閣

在府城內宋建楊蟠詩水清當自鑑無為濯纓來

鰲山

閣

在瑞安縣西西岷山上宋建郡守蘇起詩云賴有此軒相映帶盡收佳景在人寰

西射

堂

在府城西寰宇記在温州西南二里謝靈運晚出西射堂詩云連障疊嶂崿青翠杳深沉今西

山寺

是也讀書堂

在永嘉縣治後宋謝靈運建有詩云虛館絕爭訟空庭來鳥雀又云既笑

沮溺津又

戲綵堂

在府城東南舊郡志宋趙岷倅居此迎以就養因取老萊子獻綵之義名堂

有詩云老萊不及吾兒少且着朱衣勝綵衣

東

山堂

在永嘉縣東南積穀山上宋周行已建翁卷寄題東山堂詩云惟見烟霞起全無市井喧



鶴來巢木杪  
竈出戲蒲根  
**南亭**  
寰宇記去温州一里謝靈運遊西亭詩密林舍餘清遠峯隱半

規又北亭在州北五里枕永嘉  
江靈運罷郡與吏民別於此  
**白岸亭**  
在永嘉縣寰宇記云

在楠溪西南去州八十七里因岸沙白為名亦謝  
靈運遊賞處詩云拂衣遵沙堤緩步入蓬屋近澗

滑密石遠  
山映疎木  
**駐鶴亭**  
在永嘉縣西南選吉山宋白玉蟾嘗居此  
**富覽亭**  
在永嘉縣

嘉縣西北郭公山上宋建登  
者不越几席而盡山水之勝  
**流觴亭**  
在舊郡治明統志宋郡守

樓鑰建甃池為曲水  
繪蘭亭修楔圖於壁  
**絕景亭**  
在永嘉縣東南積穀山上宋周行已建有

詩云雲橫絕塵  
境峻堞若繩削  
**三高亭**  
在樂清縣治西塔山之半俗呼為半山亭以晉王羲之

之宋謝靈運唐孟浩  
然三人嘗遊此故名  
**叢桂亭**  
在平陽縣治南明統志宋時邑人一年登

文武科者十六人縣令徐以道為建此亭上浦館在府城東七十里明

子容賦詩逆旅相逢處江村日暮時衆山遙對酒孤嶼獨題詩陶隱居丹室在瑞

西四十里陶山陶宏景煉丹之所衆樂園在府城西南隅舊治北

榭基布花木彙列宋時每歲二月開園設會盡春而罷墨池在永嘉故城晉

王羲之為郡守臨池學書處宋米芾書墨池二大字

關隘海關在永嘉縣東海口飛雲關在瑞安縣南七

處也本名飛雲渡波流洶湧闊橫截南北往來者必出於此明置寨設總哨官帥舟師泊鳳凰海洋

今有把總防守白沙關在樂清縣東白沙嶺之東陸走江

台境水通海島為縣境咽喉

口關

在平陽縣南二十五里下臨橫陽江為往來要衝明初設關於此今改汛置兵防禦

鎮

下關

在平陽縣東南一百四十里亦曰鎮下門水寨坐臨大海其東有官寨直衝臺山外洋明

置關設總哨官帥舟師

羅陽第一關

在泰順縣東四十里當洪

口東渡之西道出瑞安其地有洪溪匯

分水關

在

入龍潭謂之洪口水陸往來多出於此

順縣東南分水

桂峯東南關

在泰順縣南七十里其地有桂嶺又有桂

峯橋旁立兩

武嶺頭鎮南關

在泰順縣東南桂峯之南

白沙隘

在永嘉縣西五十六里白沙山

眉石北隘

在瑞安縣沙園

旁宋置白沙巡司元因之後廢

所東東至大海南會陌城寨西至平陽所北會陟門極為衝要又眉石南隘在沙園所東南東瀆大

洋鳳凰山無一朝可到

**東山隘**

在瑞安縣北亦曰東山寨其東為東山港又有上瑪寨東

西分峙為犄角之勢坐臨海濱

**九峯隘**

在泰順縣東南一百六十里平泰二邑往來之咽喉

也

**温州衛**

在府治東明洪武元年建今存

**王環營**

在樂清縣東南王環山舊有城

明洪武二十年徙棄

本朝雍正五年督臣李衛

奏請展復八年築城設叅將守備防守兼設清軍

同知及巡司駐此

**盤石營**

在樂清縣西南五十里明洪武二十年建盤石衛並築城周九里有

奇

本朝順治十七年廢衛立營特設遊擊守備

駐防雍正間改設都司又盤石守禦後千戶所明

成化五年自盤石衛城移置縣東三里築城周二

里廢今設巡司本朝乾隆三十二年增置又永

嘉設西溪巡司瑞

**大荆營**

在樂清縣東北一百里本朝順治中築城設

安設大崇巡司

叅將守備駐此雍正二年改叅將為遊擊移守備於大芙蓉汎金鄉營在平陽縣南六十里

明洪武二十年置金鄉衛築城周七里有奇

本朝順治中廢衛改營今有都司駐防蒲門

所

在平陽縣南一百二十里明洪武二十年建千戶所築城周三里有奇本朝順治中裁又壯

士守禦所在縣東北五十里明洪武二十年建築城周二里有奇隆慶初并入蒲門所今設蒲門巡

司

窪壘鎮

在樂清縣東五十里窪壘山下南臨海舊有巡司元置曰北鹽巡司在玉環山

下明初徙縣東北蔡壘尋徙白沙嶺嘉靖八年又徙鷄嶺四十一年復還窪壘並建壽寧堡於此築

城周二里有奇館頭嶺

在樂清縣西南五十里館頭江口元置巡司明洪武二十年徙於歧

頭嘉靖中復設於此後裁仙口鎮在平陽縣南麥城山明洪武元年置巡司本在縣東仙口

山二十十年徙置今所今廢又有龜峯巡司在縣前東南九十里亦明初置嘉靖初廢改置龜峯堡前

倉鎮

在平陽縣南三十里亦名錢倉

池村鎮

在泰順縣北七十里

安縣景泰三年改屬縣境

三魁鎮

在泰順縣南三魁山明洪武初置洋望巡司屬平陽縣二

十四年改置三魁巡司又雅陽巡司在縣東南雅陽山明宣德八年置屬平陽縣景泰三年俱改屬

泰順隆慶中廢

寧村寨

在永嘉縣東五十里盤石營南十里明洪武二十年建守禦千戶所

築城周三里有奇本朝順治十八年遷康熙九年改寨復設遊擊守備駐守

蒲岐寨

在樂

清縣東三十里明洪武二十年置蒲岐所築城周三里東渡江至楚門所二十里本朝順治十七

年廢所置寨設兵戍守

白巖塘水寨

在樂清縣東北蒲岐寨東濱海為蒲岐之外戶

水哨北會台州之松門楚門南會黃華港又高嵩後塘寨亦在蒲岐寨東南臨大海形勢險要

**寨**

在樂清縣東四十里高嵩山上臨大海近蒲岐寨又有下堡寨在蒲岐寨南五里南臨大海皆

蒲岐之鎖鑰也

**章鰓寨**

在樂清縣西章鰓山旁於此防禦可以東衛塔頭西衛鹽盤南衛黃

華北衛

**沙角寨**

在樂清縣西二十五里沙角山下濱大海介黃華章鰓間明嘉靖中

倭由此登犯

**黃花水寨**

在樂清縣西南盤石衛東三十里東接大海大小門

防禦為切

寬鰓南枕港口乃郡境咽喉又有黃花山寨在水寨東二里其地有華山因名有黃華關迫臨海口

汎守

**岐頭寨**

在樂清縣西南六十里海舟經此必嚴舟而後行謂之轉歧由揭疊鰓東

北達驪洋即

**海安寨**

在瑞安縣東北三十里明洪武二十年建千戶所築城周

台州松門寨

三里有奇  
朝順治中裁

本  
梅頭寨

在瑞安縣東五里有海口  
為戍守要地明初置巡司

今裁又舊有三港稅課局在縣西南一百十里明  
初與池村巡司同置景泰三年司改屬泰順縣而

稅課局如  
故今俱廢

沙園寨

在瑞安縣南二十里南去平陽  
縣三十里明洪武二十年置千

戶所築城周三里又縣治東舊有瑞安守禦千戶  
所洪武二十年建本朝順治中俱裁改置寨

舩艚寨

在平陽縣東南八十里東北兩面皆濱海  
明初置寨兼置巡司今設汛設兵戍守

蒲壯寨

在平陽縣東南九十里東至金鄉南抵福  
建福寧府本朝順治中廢蒲門壯士二

所改置寨今  
有守備駐防

江口水寨

在平陽縣南金鄉營東南  
臨大海有巡司明初置於

下埠正統五年  
徙於渡頭今裁

永昌堡

在永嘉縣東五十里明嘉  
靖三十七年築堡周五里



有奇并遷中界  
巡司於此後廢  
永嘉堡  
在永嘉縣東南五十五里海口本永嘉鹽場明嘉靖

三十七年築堡周  
縣後堡  
在樂清縣北明嘉靖中補築縣城於山腰尋徙

城於平地而縣後故城改為堡翼  
窰寨驛  
在樂清其兩旁以附於城周不及二里縣窰寨

鎮舊有驛丞今裁又有嶺店驛在  
雙穗場  
在瑞安縣東北一百餘里明置今亦裁縣東有

大長林場  
在樂清縣西四十里白塔山地名塔頭使長林場宋政和中置鹽場元為司會司明初曰

鹽課司今  
天富場  
在平陽縣東南三十餘里明初皆大使置天富南鹽場鹽課司後廢今

并於雙穗場

津梁寶慶橋  
在永嘉縣東門外本朝康熙十八年總兵陳世凱重建惠民橋在府

治西明知雙蓮橋在永嘉縣南門外本永惠橋

府洪垣建在永嘉縣南六十里本朝李琬建綠野橋在永嘉縣西南寶帶

乾隆二十四年知府李琬建萬橋在樂清縣東二

橋在樂清縣治前惠政橋在樂清縣鼓樓前萬橋在樂清縣東二

十五里宋胡公橋在樂清縣治西南又名文虹橋

萬規建在樂清縣治西南又名文虹橋夾嶼橋在平陽縣南縣南之水一

東西兩河合流處高與城齊仙橋在泰順縣東十五里

等處出會於橋下分流西連錢倉南達江口仙橋在泰順縣東十五里

道本朝康熙十二年重建中洲渡在瑞安縣西三里橫山明

飛雲渡在瑞安縣南門外為浙閩要津嘉靖中額設官渡十隻後僅存其四本朝康熙中

知縣范永成增廣之

**程岡渡**

在樂清縣東十里舊名金沙渡本朝乾隆十年郡民吳廷雲

重建今呼為程岡渡

**橫春渡**

在樂清縣西南館頭江上為縣要津

南二十里

**洪口渡**

在泰順縣東四十里

**堤堰海塘**

在永嘉樂清瑞安平陽四縣海濱樂清縣蒲岐海塘自縣東三十五里至十五都凡

七百八十二丈又有海口塘長一百五丈永嘉縣自城南至沙村寨共二千六百十九丈明嘉靖中

築瑞安縣自城東至十一都有舊塘五百十三丈又自城東至沙園所土塘八百餘丈皆萬厯中修

平陽縣海塘距縣治二十里舊為潮淹萬厯中知縣朱邦嘉重築因名朱公塘

**劉公塘**

在樂

清縣西起迎恩門外至館頭五十餘里路通府治宋紹興初修築

**蒲洲埭**

在永嘉縣東南

二十里外障江潮內蓄河水長四十一丈永嘉瑞安田二十四萬悉資灌漑明萬厯二年重修後知

府衛承芳以舊埭稍高乃準水則復水湫九處蓄洩得宜本朝順治十四年重築法華埭

在永嘉縣西南三十里甌浦上村又謝婆埭在甌浦下村瀦蓄三溪之水灌漑萬頃石紫河

埭在瑞安縣西半里長三十八丈為永嘉瑞安水利扼要處丁灣埭在瑞安縣西十五里

舊名周田埭其水綿亘三百餘丈東至大海南至平陽西抵三港溉田三萬餘畝嶼南大

埭在樂清縣西十五里長四十丈明隆慶中築以禦縣西三鄉漲水

陵墓漢東甌王墓在永嘉縣西山甌浦宋徐震墓在泰順縣北門外一里震

仕為忠訓即禦賊戰死山嶺葬於此仰忻墓在永嘉縣南吹臺山下許景衡墓

在瑞安縣北四十里白門山

林石墓

在瑞安縣東北帆遊鄉

張闡墓

在永嘉縣

瞿溪山

王十朋墓

在樂清縣東北左源山之梅溪

葉適墓

在永嘉縣東慈山

陳傳良墓

在瑞安縣東北鳳舉

趙立夫墓

在樂清縣西北石塘舉

劉徽

墓

在樂清縣東左嶺

明黃淮墓

在永嘉縣東南南柳

章綸墓

在樂清縣東北

橫嶼有祠在縣治東

高友璣墓

在樂清縣西高舉

祠廟東甌王廟

在永嘉縣華蓋山

仁濟廟

在府城內明統志神姓周名凱吳晉

間人時橫陽永寧安固三邑地皆斥鹵凱開導三江悉注於海因射箭退潮而殁民為立廟至今有司歲祭

郭記室祠

在永嘉縣郭公山下祀晉郭璞璞嘗卜地遷城有功於溫郡人祀之

王謝祠

在永嘉縣華蓋山下祠晉宋郡守王羲之謝靈運

顏魯公祠

在府城南

祀唐顏真卿明統志真卿為唐室死節宋紹興中

悉官其後以為天下臣子勸李光像而祀之於此

以永嘉樂清顏

氏皆其後也

郭太守祠

在瑞安縣西南唐郭洋為閩守避黃巢之亂徙

居紫華山中立屯堡禦賊及卒民立祠祀之

忠烈侯廟

在樂清縣館頭江祀田居邵唐

乾符間死

龔將軍廟

在永嘉縣集雲廟唐刺史章庸浚城南湖神時為步將督

王郢之亂祀遭裴甫之亂力戰死湖中郡人即其地立祠祀之從祀翁蘇二將軍亦同時死事者

孝祐

廟

在永嘉縣上塘祀唐孝女盧氏

三先生祠

在府學內祀宋周行己劉安節安上皆從

學二程

之門者忠惠廟

在府城南神姓張名理宋宣和中方臘寇郡戰死郡為立廟

忠

訓廟

在永嘉縣西三十里宋宣和中郡人徐震卒義兵禦寇死於難事間贈忠訓郎郡人為立

廟

忠烈廟

在府城內祀宋教授劉士英諸生石礪學掾盧瑤

葉文定祠

在府

治東祀

宋葉適陳止齋祠

在瑞安縣東北仙岩山祀宋陳傳良

王忠文祠

在樂

清縣九牛山下

文丞相祠

在永嘉縣北江心寺祀宋文天祥

旌忠

祀宋王十朋

廟

在樂清縣東瑞應鄉祀宋侯畝

陳潛室祠

在永嘉縣西北祀宋郡人陳埴兄弟二

賢祠

在平陽縣學內祀宋林景熙元史伯璣

卓忠毅祠

在永嘉縣北江心寺祀明

卓敬章恭毅祠

在樂清縣小東門外祀明章綸

崇報祠

在泰順縣城內祀明孫原

貞

雙忠祠

在府城內本朝康熙三十五年建祀溫處道陳丹赤永嘉知縣馬璟皆死耿

精忠之

亂者

寺觀江心寺

在永嘉縣孤嶼山麓唐咸通時建宋建炎四年高宗駐蹕御書清暉浴光二軒

刻於

白鶴寺

在樂清縣治西丹霞山下舊傳晉張文君捨宅為寺時有白鶴飛鳴其上

因名唐沈

能仁寺

在樂清縣雁蕩山相傳諾詎那為開山祖宋初僧全了結菴於

此咸平二年建寺又明志雁蕩山有靈巖寺宋

太平興國中建寺擅奇絕為雁蕩第一峯今廢

名宦晉王羲之

山陰人守永嘉郡治尚慈愛民安訟息後人立祠祀之

南北朝

宋謝靈運

陽夏人為永嘉太守郡有名山水靈運素所愛好遂肆意遨遊徧歷諸縣所至

輒為詩詠

以致其意

顏延之

臨沂人為永嘉太守

裴松之

聞嘉人元嘉中為永嘉太



守勤恤百姓  
吏民便之

**齊范述曾**

錢塘人明帝初出為永嘉太守為政清平不尚威猛

所部橫陽縣山谷險峻為逋逃所聚述曾下車開示恩信凡諸凶黨襁負而出編戶屬籍者二百餘

家自是商旅流通居人安業勵志清白不受饋遺明帝下詔褒美

**蕭景**

梁宗室建武中遷永

寧令政為百城最永嘉太守范述曾居郡號稱廉平雅服景為政乃榜郡門曰諸縣有疑滯者可就

永寧令決頃之以疾去官永嘉人胡仲宣等千人詣闕表請景為郡

**陳毛喜**

陽武人至德元

年授永嘉內史至郡不授奉秩政治清靜人吏安之遇豐州刺史章大寶舉兵反郡與豐州接而素

無備禦喜乃修城隍器械又遣兵援建安賊平授南安內史

**唐李臯**

宗室襲封曹王上元

元年以長史攝溫州事州大饑便宜發官廩數十萬石賑饑者既貸乃自劾優詔開許就進少府監

宋趙尚寬

河南人知平陽縣鄰邑有大囚十數破械夜逸殺居民將犯境尚寬趣尉出捕

曰盜謂我不能來方怠情易取也宜亟往毋使得散漫且為害尉既出又遣徽巡兵躡其後悉獲之

焦千之

治平三年知樂清縣蒞事精明吏不敢犯始建學講堂以敦教化自為文記之

劉士英

宣和間為溫州教授授方臘陷處州州人爭具舟欲遁士英奮謂不當避自郡將而下

皆排沮之士英獨身任其責推郡茂才石礪為謀主治兵時糧籍保伍分地拒守凡四十餘日官軍

既至賊

盧知原

德清人高宗即位知溫州時葉濃陷建州楊勅陷處州知原縲甲兵

潰去增城浚隍聲勢隱然在

洪擬

鎮江丹陽人高宗時知溫州宣撫使孟庚

郡四年民繪像祀之

總師討閩寇過郡擬趣使赴援庚怒命擬攜師擬借封椿錢用之已乃自劾賊平加秩一等張

九成

錢塘人紹興中知温州戶部遣吏督軍糧民苦之九成移書痛陳其弊戶部持之九成即

丐祠

趙彥櫛

悼王廷美七世孫乾道初為樂清尉會大旱令循故事禱雨而責租益急

彥櫛曰捐歛已責所以招

樓鑰

鄞縣人淳熙間知温州屬縣樂清倡

和氣何禱為已而果雨言方臘之變且復起邑人捕數人歸於郡鑰曰罪

之則無可坐縱之則惑民編隸其為首者而驅其

徒出境民

王信

麗水人孝宗時為温州教授郡饑疫議遣官賑救之父老願得信任

言遂定其事守不欲以煩信請益力信聞之欣然為行徧至病者家全活不可勝記

楊簡

慈谿人嘉

定中知温州移文首罷妓籍尊敬賢士在郡廉儉

自將奉養菲薄嘗曰吾敢以赤子膏血自肥乎閭

巷雍睦無忿爭聲民愛

吳泳

潼川人寧宗時差知温州赴官道問温州

饑至慶州乞蠲租科降救饑者四萬八千有奇放  
夏稅十二萬有奇秋苗二萬八千有奇病者復與

之藥事間賜元夏若水武陵人至元間授温州路  
衣帶鞍馬總管初至郡值歲歉廣招

米艘民趙鳳儀汴人延祐四年為温州路總管創  
賴以濟廟學延名師以淑後進瑞安飛雲

渡舟屢為暴風所覆設法豫賈達保定人泰定二  
備立石江計政治以能名年知平陽州事

廉幹精明委猷他邑疑獄悉得其情赴省經金華  
有萬戶伊實默者縱兵暴橫民苦之達造其門責

以大義伊實遂拜謝軍兵自是肅尊達實哩高昌  
然伊實默舊作翼石抹今改正人至

正十年温州路總管時方國珍寇城官民逃散獨  
與千戶吳世顯哈迪爾等擊却之賊退治城郭繕

甲兵後賊雖再至不敢近尊達實哩舊作明王  
左答納失里哈迪爾舊作黑的兒今俱改正

銘

和州人洪武初由長淮衛指揮僉事移温州繕城濬濠悉倍於舊又加築外垣起海神山屬郭

公山首尾二千餘丈宏敞壯麗屹然東浙巨鎮帝甚嘉之嘗請告暫還州之士女遮道送迎長吏皆

相顧嘆白謂有

王全

山東人洪武九年為温州同知處州賊葉丁香擾瑞安民

多脅從延安侯唐勝宗統兵至府欲縱殺全持不

可勝宗怒欲斬全全曰良民不從叛絮妻子來此

意解民得免

黃信中

餘干人永樂中知樂清縣奸民結寡婦至京誣告鄉

人謀叛而已逸去有司繫其婦以聞詔行所司會

鞫獄久不決信中廉得其情力抵為誣獲全者甚

衆盜殺一家三人獄久不決信

何文淵

廣昌人宣德五年知

温州府居三年政化大行入覲道括蒼嶺永嘉丞

遣其子以金贖却之後人為立却金館既復任益

盡心職業暇則與諸生章綸華綸經史處州益起官軍討之不克文淵詞知賊據烏風洞悉捕其渠魁時都指揮李貴等執平民使誣服文淵移牒言賊已獲於是二百餘人皆得釋民有兄弟爭財論以天倫大義兄弟感悔如初

**劉謙**

祥符人宣德中代何文淵知府事數年政舉民安

**王允**

厯城人景泰中為温州知府以撫艱弱祛蠹蔽為首務山賊出沒羅洋親入巢穴計擒之諸善政為浙稱

**文林**

長洲人成化中授永嘉知縣擊豪右毀淫祠疏通水利丈量漏賦及新漲田以

足糧額廉聲大著尋遷知府民益安其政

**范奎**

相陰人成化中知温州府得民心被論調官州

人章綸為南京禮部侍郎奏言奎解官之日士民三萬人哭泣攀轅留十八日乃得去請還之以慰民望章下所

**劉遜**

安福人成化十六年任永嘉知縣廉介不阿剖決積獄邑無冤

民頌白鹿洞規以訓士邑人肖像祀之

**秦煌**

蒲岐所百戶嘉靖中防海倭寇大至以孤舟力

戰授絕被執

**黃釗**

安溪人歷官溫州同知嘉靖三十四年倭入犯釗擊走之知倭

必復來日夜為死守計又三年倭果大至釗出城逆擊分軍為三釗將中軍其二軍師皆統袴子約左右相應援及釗與倭遇力戰良久倭方不支二軍帥望敵而潰倭合兵擊釗釗腹背受敵為倭所得脅之降不屈令以金贖釗且笑且罵曰爾不知黃大夫不受錢耶倭怒裸而寸斬之事聞贈參議官一子有

**楊岳**

清江人嘉靖中為溫州通判倭寇倖至薄郡城岳守東門擐甲督戰

民千百號城下悉縋入給以薪米凡相持七晝夜隨機應變倭始退走

**何鈺**

常熟人

知平陽縣以官田均四則增改折以補府庫民便之築鳳浦埭蓄三十六源水灌田四十萬畝

本朝熊應鳳

鄧都人順治三年任溫州守備平陽縣初入版圖山寇乘虛襲城據守應鳳自

郡馳破之移汎盤石十五年海寇入犯城陷不屈死闔門死者三十二人事聞贈副將賜祭劉

偉

德州人順治十六年以通判攝樂清縣事時縣被寇燬城邑為墟徵餉甚急偉嘆曰民顛連若

此重以徵求是驅之死也我官可罷餉決不可徵力為申請得免

王世顯

漢陽人

年知永嘉縣吏事精敏時嚴海禁鹽場俱置界外民苦淡食世顯申請於內地煎燒鹽商百計撓之不為馬琨

陝西人康熙十一年知永嘉縣明決有才十三年閩變守將內叛脅之不從遂

遇害事聞贈按察使司僉事廕一子

魏萬侯

奉天人在溫鎮左營遊擊甲寅閩變寇圍

瑞安縣萬侯率師赴援至北湖嶺斬馘甚衆以後軍不至偕子棟力戰死於慈湖贈副將時百總



崔克龍亦戰死北湖嶺下蘇穆代

滿洲正藍旗人任樂清副將

意拒守為其下所害徐天平

歷城人任溫鎮左營千總康熙十五年與賊戰於大西山被創

死事聞一壇廕一子賜祭

### 人物南北朝宋張進之

永嘉安固人少有志行歷五官主簿永寧安固二縣領校

尉家世富足荒年散財救贍鄉里全濟者甚多太守王味之有罪當見收逃避進之家供奉經時盡其識力味之嘗避地墮水沉沒進之投水拯救相與沉淪久而得免時劫掠充斥至進之門輒相約勒不得侵犯其信義所感俞僉

永嘉人孫思之亂永嘉太守司馬逸

之被害妻子並死兵寇之際莫敢收藏僉為郡吏以家財冒難棺飲逸之等六喪送至都葬畢乃歸

鄉里  
**宋陳侃**  
溫州人五世同居  
**許景衡**  
字少伊瑞安人元祐進士

宣和六年召為御史朝廷用童貫為河東北宣撫使將北伐景衡論其貪謬不可用者數十事不報以忤王黼為所逐高宗即位除御史中丞黃潛善欲逐東京留守宗澤景衡力爭之帝悟澤乃安除尚書右丞黃潛善等素惡其異已譖罷之行至京口卒謚忠簡景衡得程熙之學志慮忠純議論不與時俯仰既沒高宗思之  
**劉安節**  
字元承永嘉人與從弟安上師詔賜其家溫州官舍一區  
事程熙登元符進士除御史決大獄多所平反後謫知饒州徙宣州值水疫安節設法拯救全活甚多安上字元禮紹興進士歷  
**林石**  
字介夫瑞安人官給事中學者稱為二劉  
父喪廬墓三年母年一百十九歲石年九十餘白首執喪不踰禮節時新學盛行石獨以春秋教授鄉里學者稱塘

畧先

薛良顯

字貴勤瑞安人崇寧進士累官大宗正丞出為江東轉運使江寧軍校周

德作亂良顯聞變率衆與戰斬十餘級力不勝死之事聞贈卹良渥

黃友

字龍友平陽人崇寧

進士調永嘉瑞安二縣主簿擢華陰令有政聲方臘竊發友同諸將收復所至披靡通判澶州會郭藥師以常勝軍叛燕士嚮應友獨領數千人與戰躬冒矢石破裂唇齒欽宗召對進直徽猷閣制置司參謀官同种師中解太原圍友遣兵三千奪榆次得糧萬餘斛明日大軍進十里而止友亟白師中地非利不聽迨曉兵果四合衆潰敵執友欲降之厲聲曰男兒死耳遂遇害帝書忠節傳家旌其間官其仰忻字天貺永嘉人力學以篤行稱年五後八人仰忻十餘執母喪盡孝禮躬自負土廬於墓側有慈烏白竹之瑞紹聖中郡守楊蟠表其里孝廉坊大觀二年以行取士郡以忻應詔未幾卒

特贈將

仕郎

吳表臣

字正仲永嘉人大觀進士累官遷右正言高宗詔臺諫條陳大利害

表臣之策多見用累遷吏部尚書翰林學士秦檜欲使往金議地界指政事堂曰歸來可坐此表臣不答又以議大禮忤意罷去起知婺州進敷文閣直學士提舉太平興國宮晚號湛然居士自奉無異布衣時鄉薛弼字直老永嘉人政和進士靖康論推其清約弼中為湖南運判贊岳飛討平陽公除戶部郎官再知荆南桃源巨盜任俊既招安復謀叛不能制乃以委弼弼許俊以靖州俊至則斬以徇福州盜作詔弼至郡四年盡平之累擢敷文閣待制卒諡忠簡婁寅亮字陸明政和進士為上虞丞建炎四年高宗至越寅亮上疏乞選太祖諸孫有賢德者視秩親王俾牧九州以待皇嗣之生庶幾上慰在天之靈下係人心之望帝讀之感悟擢監察御史秦檜惡之諷言者論

罷職陳楠字季士平陽人政和二年廷對第三紀興初為金部郎中時言事者率毛舉細務楠

抗言今當專講治道之本修政事以攘敵國又言刺史縣令不能得人乞選監司重其權久其任歷

太常少卿除權禮部侍郎普安郡王出閣楠以園本未立宜厚其禮以繫天下望乃以皇子出閣禮

上之忤秦檜遂罷後知襄陽府政知廣州充廣南東路經畧安撫使未至卒楠寬洪醞籍以誠接物

而恬於榮利不附秦檜嘗自號無相居士有文集十六卷蕭振字德起平陽人政和進士調信

州議曹發州兵曹俱有異績任滿歸以執政薦召對敷奏數事皆中時病拜監察御史累官數文閣

學士知成都府兼安撫制置使振好獎善類在蜀威行惠孚卒之曰民老稚相與聚哭於道家居瀕

江見渡者多溺死振造大舟傭工以濟人感其德相與名其江為蕭家渡云丁仲修字敏

之温州人方臘黨俞道安陷樂清將渡江仲修帥  
鄉兵禦諸樂灣鄉兵失據而散仲修以餘兵與賊  
戰力屈

**張闡**

字大猷永嘉人幼力學博涉經史善  
屬文宣和進士歷鄂台二州教授紹

死之

興中累遷秘書郎秦檜每薦臺諫必先論以已意  
嘗謂闡曰秘書久次欲以臺中相處何如闡謝曰  
得老死秘書幸矣檜默然竟罷主管台州崇道觀  
歷泉衛二州通判孝宗在王邸妙選官僚謂莊重  
老誠無踰闡者改命祠部兼建王府贊讀孝宗即  
位擢工部侍郎應詔條時務惟闡與王十朋指陳  
時事斥權倖無所回隱除工部尚書兼侍讀引疾  
乞骸骨以顯謨閣直學士提舉太平興國宮卒朱  
熹嘗言秦檜力主和議士大夫始終  
言金人不可和者惟胡銓張闡耳

**徐震**

瑞安人  
宣和間

睦冠至吹臺嶺震率義兵  
捍禦力戰死之民為立祠

**薛徽言**

字德老温州人  
登進士第紹興

二年以權監察禦史宣諭湖南時郴道桂陽旱饑  
徽言請於朝不待報即諭漕臣發衡永米以賑而  
以經制錢市米償之使還以呂頤浩言出知興國  
軍入為郎遷起居舍人秦檜與金人議和徽言與  
晏敦復等七人疏爭之一日檜於上前論和  
徽言直前引義固爭反復數刻後中寒疾卒王十

朋字龜齡樂清人資穎悟曰誦數千言及長有文  
朋行秦檜死高宗親策士擢十朋第一學者誦其  
策以擬古晁董除秘書郎秦檜久塞言路至是十  
朋與馮方李浩相繼論事上多嘉納孝宗受禪累  
遷侍御史每見必陳恢復之計因論史浩八罪上  
為出浩又論史正志林安宅奸皆罷去張浚失律  
自劾十朋疏乞用浚以堅恢復之志改除吏部侍  
郎力辭出知饒州移知夔州湖州泉州凡歷四郡  
布上思恤民隱所至人繪而死之以龍圖閣學士  
致仕卒謚忠文子聞詩聞禮皆篤學自立聞詩知

光州提點江東刑獄間禮知常州鄭伯熊字景望  
江東轉運判官為治能守家法

紹興進士歷官宗正少卿以直龍圖閣知建寧卒  
伯熊與薛季宣皆以學行聞而伯熊於古人經制

治法其討薛季宣字士龍徽言子年十七從荆南  
論尤精薛季宣帥辟書寫機宜文字獲事表概

慨嘗從程頤學盡以其學授之於古封建井田鄉  
遂司馬法之制靡不研究講畫皆可行於時樞密

使王炎薦於朝召為大理寺主簿時淮北民多歟  
塞者宰相虞允文自白連季宣行淮西收以實邊季

宣為表廢田相原隰戶授屋丁授田凡為戶六百  
八十有五分處肥黃州間竝遠歸正者振業之及

還屢進諫言帝輒稱善除大理正出知湖州改如  
常州未上卒季宣于詩書春秋中庸大學論語皆

有訓義徐誼字子宜溫州人乾道進士累官太常  
藏於家徐誼丞孝宗臨御久事皆上決執政惟奉



旨而行羣下多恐懼顧望諠諫曰若是則人主曰  
聖人臣曰愚陛下誰與共功名乎及論樂制諠對  
以宮亂則荒其君驕商亂則陂其臣壞上改容曰  
卿可謂不以官自贖矣孝宗崩光宗疾諠與趙汝  
愚決策請太皇太后立寧宗進權工部侍郎知韓  
侂胄必為國患告汝愚宜飽其欲而遠之不聽後  
青南安軍安置久之復官歷知

王自中

字道甫平陽人少負奇氣

吏康隆興二府卒諡忠文

自立崖岸由是忤世乾道四年議遣歸正人自中  
伏麗正門爭論坐斥嶺州放還淳熙中登進士第  
為分水令樞密使王藺薦召對帝壯其言將  
改秩為籍田令以諫疏罷後歷知信州卒

葉適

字正則永嘉人為文藻思英發登淳熙進士召為  
太學正選博士嘗薦陳傅良等三十四人於丞相  
後皆召用時稱得人會朱熹為林栗所劾適上疏  
爭之出知蘄州入為尚書左選郎官孝宗崩光宗

不能執喪適贊趙汝愚內禪計遂定寧宗即位遷國子司業為御史胡紘劾罷起知泉州歷權工部侍郎改吏部知建康府累進寶文閣學士卒謚忠定學者稱水心先生

戴溪

字肖望永嘉人

淳熙五年為別頭省試第一歷官太子詹事兼秘書監景獻太子命類易詩春秋論語孟子資治通鑑各為說以進權工部尚書以龍圖閣學士致仕卒謚文端所著有通鑑筆議將鑑論斷諸書族子相亦有學行

林逢龍

字慶雲平陽人弟廷龍字雷著東都事畧

叩閭言事忤賈似道歸田里後逢龍又上封事乞正似道悞國罪急調兵解襄樊圍似道怒削其籍押還本貫屏迹居山元兵至溫素聞逢龍名索得之逢龍攘臂怒罵以腹觸刃而死廷龍亦被執不屈同日

陳傳良

字君舉瑞安人師事鄭伯熊薛季昌入太學與張栻呂祖謙友善登

遇害

進士甲科教授泰州改太學錄出通判福川光宗  
時累遷起居舍人帝不朝重華宮傳良切諫至趨  
上引帝裾不聽傳良哭於庭下殿徑行寧宗即位  
召為中書舍人兼侍讀直學士院會詔朱熹與在  
外宮觀傳良言熹難進易退內批之下舉朝驚愕  
臣不敢書行熹於是進寶文閣待制與郡嘉泰二  
年知泉州進寶謨閣待制終於家謚文節學者稱  
止齋先王所著有詩解詁周禮說春秋後傳左氏  
章指行  
曹叔遠字器遠瑞安人少學於陳傅良登  
於世  
紹興進士為國子學錄忤韓侂胄  
罷後累官權禮部侍郎遇事獻替多所裨益終徽  
猷閣待制謚文肅嘗編永嘉譜識者謂其有史才  
林畧字孔英永嘉人慶元中進士累遷左右諫兼  
侍讀告帝曰虛心以為從諫之本從諫以為  
求治之本升侍御史試右諫議大夫嘉熙三  
年同僉書樞密院事以資政殿學士致仕  
曹翀

字西士叔遠族子嘉泰進士調重慶府司法參軍  
郡守度正欲薦之辭曰章司錄母老請先之正敬  
嘆歷浙西提舉常平面陳和糴折納之弊移浙東  
提點刑獄召為左司諫與王萬郭磊卿徐清叟俱  
負直聲號嘉熙四諫進禮部侍郎不拜疏七上進  
古詩以寓規正知福州再以侍郎召為臺臣所沮  
遂守寶章閣待制

**薛叔似**

字象先永嘉人遊太學

致仕卒謚文恭

祖宗立國之初除二稅外取民甚輕自熙寧以來  
賦曰增而民困滋甚孝宗嘉納除樞密院編修時  
微唐制置補闕拾遺上自除叔似左補闕遂劾首  
相王淮去位光宗受禪歷權戶部侍郎韓侂冑開  
邊除兵部尚書宣撫使佐冑誅謫福州卒謚恭翼  
叔似雅慕朱熹窮道德性命之旨談天文地理鐘  
律象數之學

**蔡幼學**

字行之瑞安人年十八試禮  
部第一從陳傅良遊文輒出

有藁二十卷

傳良右孝宗聞之因策士將置首列時外戚張說  
用事宰相虞允文梁克家皆陰附之幼學對策切  
直帝不懌允文尤惡之遂得下第教授廣德軍光  
宗立擢校書郎寧宗即位幼學應詔陳言帝稱善  
將進用之時韓侂胄方用事指正人為偽學幼學  
遂力求外補除提舉福建常平後遷國子司業兼  
權中書舍人侂胄既誅餘黨尚塞正路幼學次第  
彈劾竄黜尤衆號稱職厯權兵部尚書兼太子詹  
事卒幼學器質凝重語不妄發中年述作益窮根  
本嘗續司馬光公卿百官表年歷大事記備志辨  
疑編年政要列傳舉葉味道初名賀孫以字行更  
要凡百餘篇傳於世

**葉味道**字知道温州人少刻  
志好古學師事朱熹試禮部第一登嘉定進士第  
調鄂州教授理宗時授太學博士兼崇政殿說書  
故事說書之職止於通鑑而不及經味道請先說  
論語詔從之所奏陳無一言不切於君身推致於

治道遷秘書著作佐郎卒所著有四書說大學議義及經筵口奏等書

**陳埴**

字器之永嘉人

少穎悟從朱熹遊所見超卓登嘉定進士以通直郎致仕四方從學數百人稱為潛室先生所著禹

貢辨木鐘集

**劉敞**

字聲伯樂清人淳祐十年試入太學時丁大全逐丞相董槐將

等書行世

奪其位敞率同舍生伏闕上書言朝廷進退大臣當以禮忤執政送南安軍安置至南安盡取濂洛諸子之書輯成十卷名曰濂洛論語及大全貶還太學侍御史陳垓誣程公許右正言蔡榮誣王之純敞又率諸生上書極論咸淳中拜監察御史歷刑部侍郎試吏部尚書江上潰師陳宜中謀擁二王入海以兵逆敞

**侯富**

字道子樂清人三貢於鄉兩試轉運司皆第一以武

及羅浮以疾卒

舉授合浦尉寶祐五年通判海州兼河南府計議官李松壽據山東突出連泗畝鏖戰城下死之闔

室遇害謹節毅仍立廟  
其卿畲所著有霜厓集  
**陳宜中**  
字與權永嘉人入太學有文譽寶祐

中與黃鑄劉黻林測祖陳宗曾唯六人上書攻丁  
大全大全怒劄宜中籍拘管他州號為六君子景

定三年廷試第二德祐元年以知樞密院事拜右  
丞相益王立復以為左丞相并澳之敗欲奉王走

占城乃先如占城遂不反後元兵伐占城宜中走  
還弟自中字與可登咸淳第宋末同秀王至闕遇

元兵力  
**陳虞之**  
字雲翁永嘉人登咸淳第遷秘書省兼國史院元兵至溫虞之率子

戰死  
姓鄉人登芙蓉巖死守越一歲為所敗遂自剄從者八百餘人皆死之  
**潘方**  
平陽人

士調慶元府市舶提舉慶元降附方不屈赴水死  
**徐臻**  
溫州人父官河南德祐元年臻往省

以道阻會文天祥勤王臻往依之以筆札典樞密  
小心精練天祥被執臻脫難復來願從天祥北行

扶持患難備殫忠  
忱至隆興病死  
**林景熙**字德陽平陽人上舍釋褐歷泉州教授禮部架

閣宋亡不仕嘉木揚喇勒智發宋諸陵棄其遺骨景熙與同里鄭朴翁等數人相率為採藥者以草囊拾之又間理宗顱骨為北兵投湖中復以錢購漁者網而獲乃盛二函葬之越山植冬青樹為識賦冬青行所著詩六卷曰白石熊唱朴翁字宗仁歸隱鄞山瀑下景熙銘其墓有精衛填海馮霄衝土之句聞者悲之嘉木揚喇勒智舊作楊健真伽今改正

**元李孝光**

字秀和樂清人少博

學篤志復古隱居雁蕩山五峯下四方之士遠來受學名譽日聞台哈布哈以師事之至正七年以秘書監著作郎召見帝於宣文閣進孝經圖說帝大悅賜上尊陞秘書監丞卒於官孝光以文章負名當世其文一取法古人而不趨世尚非先秦兩漢語弗以措辭有文集二十卷台哈布舊作泰



不華今

史伯璿

字文璣平陽人少嗜學博通經史深得朱子宗旨著四書管窺以發

明之又著管窺外編辨論諸經史天文地理古今制度名物終身隱居不仕

張庸

字存中溫

州人精太乙數以策干經畧使李國鳳承制授福建行省員外郎治兵杉關頃之計事赴京師因進

太乙數圖順帝喜之擢秘書少監命庸團結房山除刑部尚書仍領團結會諸寨既降庸守駱駝谷請

援於庫庫特穆爾不報獨堅守拒戰衆潰庸無去志已而寨民執庸出降庸不屈被殺庫庫特穆

爾舊作擴廓帖木兒今改正

彭廷堅

字允誠瑞安人至正進士歷同知建寧路總管府事

定建陽浦城邵武諸賊陞同知福建道宣慰使司副都元帥鎮撫萬戶府兵萬戶兵煥素悍縱卒為

暴廷堅欲繩以法煥懼使部卒詐為賊兵突入衆潰廷堅獨留不去遂遇害民哀泣如喪父母立祠

像歲時祭禱贈中憲大夫福建  
道宣慰使都元帥封忠愍侯 周樂 瑞安人父曰

海賊竊據温州拘曰成置海舟上樂隨往事其父  
甚謹一日賊酋遣人沉曰成於水樂泣請曰我有

祖母幸留父侍養以已代父死  
不聽樂抱父不忍捨遂同死焉 桂完澤 永嘉人為

軍鎮撫為仇家所訴免官會賊攻昱嶺關行省假  
前官令從征完澤勇於討賊再戰關下皆勝尋又

與賊鬪為所執其妻弟金德亦被擒脅之降德意  
未決完澤呼曰金舅男兒即死不可聽賊德應曰此

言最是因大罵賊 高明 字則誠平陽人至正進士  
授處州錄事辟行省掾方

國珍欲留置幕下即日解官旅寓鄞之標社明太  
祖聞其名召之以老疾辭還卒於家所著有柔克

齋集趙訪稱其學博 明孔克表 平陽人至聖五十  
而深才高而膽云 五代孫博學篤行

尤精史學洪武中薦為翰林修撰  
承詔注釋羣經賜名羣經類要  
卓敬字恭瑞

安人性至孝讀書十行俱下中洪武進士除戶  
科給事中鯁直無所避棄間言諸王服飾與  
太子埒尊卑無序帝器用之厯戶部侍郎建  
文初密疏言燕王雄才大畧酷類高帝北平  
形勝之地士馬精強今宜徙封南昌羽翼既  
翦變無從生帝不能用燕王即位被執責以  
建議徒燕離間骨肉敬厲聲曰惜先帝不用  
敬言耳帝大怒猶憐其才命繫獄使人諷以  
管仲魏徵事敬終不屈乃斬之誅其三族敬  
立朝慷慨美丰姿善談論凡天官輿地律厯  
兵刑諸家無不博究成祖嘗嘆曰國家養士  
三十年惟得一卓敬萬厯初詔建祠表墓至  
福王時贈太子太保戶部尚書  
謚忠貞 本朝乾隆四十一年

賜謚忠毅

樂清樵夫

不知姓名適負薪至港橋聞市人語云天子自焚死燕王即位殺方博士

卓侍郎等長呼失聲曰國既就篡我不願為其氓遂投橋下水中死本朝乾隆四十一年入祀忠義祠

鄭士達

字達世瑞安人洪武中以貢任肥鄉訓導燕兵南下徇廣平有議迎附者士達毅然

曰我儒官也若效順如綱常何激守臣相與堅壁以守不克棄官歸永樂三年坐戍右屯衛慷慨而

行竟死

黃淮

字宗豫永嘉人洪武進士授中書舍人成祖即位召對稱旨命入翰林直

文淵閣進侍讀議立太子淮請立嫡以長太子立遷左春坊大學士帝再北巡淮並居守遷翰林學士以漢王譖下詔獄十年仁宗即位釋為通政使兼武英殿大學士進少保戶部尚書及宣宗即位親征漢庶人淮留守如故既而乞歸卒謚文簡黃養正名蒙以字行瑞安人父朝光從卓敬

學以貢任國子學正養正隨父至京永樂中以善書授中書舍人官至太常少卿正統中從駕北征死於土木之變景  
**鮑輝**字叔大平陽人宣德進士授工科給事中改刑科數  
泰初贈太常卿  
有建白英宗北征扈駕至土  
本死之景泰初贈官廕其子**章綸**字大經樂清人  
初召為儀制郎中慷慨論事上太平十六策五年  
因災異復陳修德弭災十四事其大者謂內官不  
可干政佞臣不可假事權後官不可盛色宜時朝  
謁兩宮皇太后於上皇數友于之情更請復汪后  
以正母儀還沂王儲位定天下之大本疏入帝大  
怒立下詔獄榜掠逼引交通南內瀕死無一語杖  
死復甦英宗復位擢禮部右侍郎綸既以大節為  
帝所重而性亢直不能諧俗石亨楊善共短之調  
南京屢有直言當事多不喜為侍郎二十年請老  
去卒贈南京禮部尚書謚恭毅子元應字順德成

化進士為南京給事中偕同官極論陳鉞罪忤旨  
停俸孝宗嗣位上治本五事官終廣東布政使

**陳璋**

字宗獻樂清人弘治進士歷刑部郎中疏諫  
武宗南巡廷杖嘉靖初擢大理卿後起刑部

侍郎言官馮思下獄  
力救得不死謝病歸

**項喬**

字遵之永嘉人嘉靖進  
士仕至廣東叅政張孚

敬當國以喬同里嘗欲引致華要謝却之仕宦二  
十餘年所至以善政聞平居未嘗一日廢書研窮  
理纂多獨得輒劄記以自鏡為文

**王德**

字汝修永  
嘉人嘉靖

進士授戶科給事中定國公徐延德巧無極諸縣  
閒田為業德抗疏劾之李默長吏部怒德偃出為

嶺南兵部僉事與撫按爭事落職閑住鄉居憤倭  
亂傾貲募健兒為保障計倭自梅頭至大掠德偕  
族父沛督義兵擊之至龍灣軍敗手射殺數人罵  
賊死倭自是不敢越德鄉事聞贈太僕少卿立祠

曰愍忠沛贈太僕丞立祠予廕侯一元字舜舉樂清人僉事廷訓子嘉靖初廷訓上書言不

當孝本生及私藩邸舊人逮繫獄一元年十三伏闕上書得謫判泗州既而希旨者以他事再下獄及再上陳寬狀都御史唐龍奇之出其父舉嘉靖進士授南京刑部主事累遷江西右布政使所至有惠政著詩

吳寶秀

字汝珍平陽人萬歷進士授大理評事歷寺正出為南康

文二十卷

知府湖口稅監李道橫甚寶秀不與通會漕舟南還乘北風揚帆直入湖口道欲權其貨遣爪牙吏

持牒捕漕卒寶秀拒不發道大怒飛章劾寶秀阻撓稅務詔逮寶秀下詔獄大學士及南北諸臣論

救者疏十餘上釋為民歸家逾年卒王端栴字廷

天啓中贈太僕少卿賜祭錄其一子

秘永

嘉人天啓進士授蘇州推官有聲歷職方員外郎擢湖廣兵備僉事崇禎十一年張獻忠據穀城乞撫

總理熊文燦許之瑞楠言賊以計愚我誠合兵擊之何患不捷文燦怒不從乃列上從征歸農解散三策又不用明年獻忠叛瑞楠先已丁內艱歸獻忠留書於壁言已之叛總理使然且曰不納我金者惟王兵備一人耳由是瑞楠名大著服闋未及用而都城陷作絕命詩自縊本朝乾隆四十一

年  
賜諡忠節

本朝曾三鳳

泰順人順治丙戌山寇焚劫鄉聚三鳳為練長率鄉兵禦守寇張甚三鳳奮身

殺賊死之弟三重三益皆死之一門忠義鄉人立祠祀焉

侯贈祖

樂清人康熙十五年閩寇

謀襲寧波贈祖偵知之以告知縣盛應宗全密報寧郡書為賊邏者所獲賊怒斬於市鄉人重之

趙寵茂

瑞安人乾隆九年旌表孝子坊



列女三國吳瞿素

永嘉人雖遭寇劫死

不虧行為朱育所稱

晉浣紗女

永嘉

人居壺川莫知姓名家貧踰笄不嫁事母孝常紡績為養夜浣沙而旦成布及母卒抱石自沉里人

為之立祠仍建浣沙坊表之

唐盧氏女

永嘉人居盧舉一日與母同行遇虎將噬其母

盧以身代後有人見其跨虎而行里為建祠上塘宋理宗朝封曰孝祐

宋孫氏

永嘉人許

配馬氏子未成婚元兵入城被執欲犯之不屈而死

鮑氏二女

名娒娘婉娘樂清人皆有

殊色元兵至走匿山中為元將所得欲污之二女從高崖自投而死

元黃福妻蕭氏

永嘉人年十九夫亡無子其舅姑以衰暮無依欲納義子以蕭配之蕭力爭不能止乃佯許因請葬

其夫畢閉戶自縊死

劉公寬妻侯氏

永嘉人時方明善據郡公寬保守南溪為其下

金興所害侯氏收飲夫屍號泣曰趙氏女平陽人

冠至必辱我不如先死遂自縊

未嫁為賊所執給賊取孫信妻黃氏平陽人至正十四年為賊

藏金自投於廁而死周誠德妻陳氏平陽人方

所掠昇之行時賊燒民居火正烈黃躍投火死

陽誠德戰敗携陳避至徑口陳度不免明俞氏女

先自縊死誠德殯之而去尋亦被殺

名姻奴永嘉人父歿家貧母再適郡人劉斌姻奴

無歸隨母入斌家母亡斌前妻子欲犯之百計諷

誘不從一日持刃迫陳氏女名盼瑞安人陳德升

脅終不屈遂被殺

而鄰子有盜行女不肯嫁父母欲改適復不從及

鄰子死家人委曲勸諭終不聽獨居一室室後一

井朝夕自汲不飲

他水誓志以終林儉妻黃氏永嘉人夫早卒兄

弟議奪之再適黃

聞飲泣飾筭程子文妻楊氏永嘉人年十八歸程服赴河死

再醮越五稔舅姑憐之曰吾家貧汝又無子能孀

守乎族人又苦勸之楊截髮割耳抱石自沉詰旦

得屍江渚胡廷相妻陳氏瑞安人嘉靖中海寇犯

面色如生陳曰夫病何之已而閭巷悉奔竄陳乃扶

夫出門至滴水岩遇賊驅之去賊強負陳於背陳

大號嚙賊耳賊怒錢氏女樂清人嘉靖中寇劫白

以刀刺其腹而死石女年十八與諸婦匿

米篩岡洞中已而寇至女樂清人倭寇至

知事急遂躍千仞崖死錢氏女樂清人倭寇至

被執至龍泉潭女給賊曰妾願隨行盍釋我父母

乎賊喜乃麾其父母亟去而身隨賊旦行且顧至

合湖橋度父母已遠乃躍王氏樂清人嫁徐某嘉

授於水賊怒以戈掬死靖中倭至王欲避

之其夫玩冠帶聽乃夜紉其附身衣襦為必死計  
比明登舟冠至遽以兒并首飾授其婢曰必活吾

兒遂自

溺死

王崇端妻管氏

樂清人夫亡子僅兩月守節凡十三載倭寇至匿鹽

窖中賊搜得驅之去  
不從賊怒磔殺之

李萬妻潘氏

平陽人萬故無子潘依於母家

其父欲令改適既納  
幣及期潛自縊死

李宗來妾馬氏

樂清人宗來娶趙氏生子守

繼甫期而宗來卒外家奪趙志并欲携氏  
往氏誓死不從撫守繼補諸生以終其節

吳寶秀

妻陳氏

平陽人寶秀守南康為湖口稅監李道所誣被逮陳慟哭請偕行寶秀不可乃拈餘

貲及簪珥得銀三兩許付其妾曰夫子行以  
為路費夜自經死南康士民建祠以祀之

方日

升妻林氏

永嘉人夫亡族有逼之嫁者林覺號泣  
赴水以救止林請夫木主拜泣抱主觸

胸而 朱國祚妻許氏 平陽人明末值亂軍至許堆  
草端生其上舉火自焚死

本朝李應官妻吳氏

樂清人徙居平陽順治五年山  
寇作亂氏被掠即擲釵飾餌賊

賊爭取之遂乘間投江死屍逆流四十里面色如  
生同縣吳德馨妻汪氏被海寇逼脅不從受刃而死  
趙應彩妻戴氏海寇陷城被獲至水邊躍入死趙  
存洵妻馬氏夫亡絕粒而死又永嘉施曉宇妻楊  
氏避亂山中兵張聯標妾傅氏 泰順人聯標為羅  
陽知縣氏從行值

山寇陷邑執氏拘於偽營賊渠百計誘  
不從令衆賊環刃脅之終不屈遂殺之林元標妻

馮氏

永嘉人順治甲午海艘掠郡氏與元標同被  
執賊首欲妻之氏投海死又同縣蔣世鵬妻

林氏順治丁酉  
死不污賊

黃阿繼妻柳氏

永嘉人順治戊戌海  
寇入犯氏遇賊度不

能免抱子投河死賊義之取富室棺為殮曰此烈婦又平陽吳德馨妻汪罵賊被殺又趙應彩妻戴遇賊為所獲躍林占春妻童氏變避入陳雅山危入雙瀑潭死

至掠羣婦閉一室氏取竹簪自釘耳中東湖烈婦不死乃抽賊刃斷其喉冠嗟嘆而去

樂清人失其姓康熙十四年閩寇亂氏被掠投望萊橋下死同縣趙君楊妻張氏隨夫避難遭掠至湖

邊投水死又節婦趙君質妻李氏趙手人妻谷氏黃琦所妻李氏谷世昌妻黃氏朱廷棟妻侯氏朱尹

邦妻金氏朱梓材妻侯氏並康熙雍正間旌表又永嘉黃厥昌妻董氏避山中被脅投峭壁下死又

鄭國幹妻徐楊敬鄭應璚妻戴氏永嘉人土寇嘯與妻陳俱投溪死聚氏恐見污乘

夜投溪死王兆琰妻陳氏瑞安人康熙己未海寇登岸氏為所掠大罵不肯行賊曳

至五六里氏髮盡落罵益厲賊怒刃之又平陽楊希華妻陳氏被掠賊以刃加氏頸逼污之大罵不從遂

遇王靜媛永嘉人幼許吳氏為室未婚夫死女往哭奠遂立志不嫁富室欲委禽焉女斷髮自

誓終莫能奪李國禎妻蔡氏平陽人年二十二夫亡姑欲嫁之自經死同縣陳鯤妻黃

氏陳博妻鮑氏曹調元妻林氏王仁妻程氏陳郁妻吳氏施鐘篆妻白氏王朝泰妻金氏張球妻金氏余

上棟妻陳氏張一紙妻應氏夏咸泰妻王氏伊師益妻杜氏吳元鼎妻林氏陳其文妻戴氏伍可珍妻鄭

氏並夫亡守志于康熙正間旌表潘世志妻夏氏秦順人世志死于賊氏將以身

殉家人救難事舅撫姑守志弗渝順治年間旌又胡大詩妻林氏茂梓妻張氏王峰妻梅氏高聯霞妻

夏氏梅元棟妻林氏王立經妻周氏胡大傳妻葉氏饒宗烈妻吳氏包茂正妻何氏潘仲規妻夏氏王念臣妻

葉氏胡大展妻林氏並

康熙雍正年間

旌表

王兆祥妻白氏

永嘉人夫亡守志乾隆二

年旌同縣陳應芳妻蔣氏葉德亮妻徐氏繆元濬

江氏葉文驥妻蔣氏金之賢妻何氏劉子斌妻魏氏

夏曰湖妻施氏徐仲雲妻陳氏徐洪法妻董氏陳良模妻林

氏謝希瑞妻戴氏吳仁友妻黃氏朱幼哲妻童氏張維孝妻

林氏金文綸妻董氏吳東美妻張氏陳良輔妻謝氏李偉翰妻徐

氏陳國修妻蔡氏朱以陞妻張氏張振節妻屠氏邵鰲妻葉氏邵文

顯妻賈氏杜廷揚妻朱氏張允發妻詹氏周天育妻

葉氏李國臣妻張氏貞女戴氏王竹林妻陳氏王鵬

化妻鄭氏翁子咸妻杜氏葉應芳妻張氏方紹正未

婚妻張氏徐憲公妻董氏劉國忠妻鄭氏周奇功妻

伍氏王成均妻林氏葉初足妻夏氏張廷

三妻朱氏並於乾隆年間先後旌表阮王錫

妻余氏

瑞安人夫亡守志乾隆四年旌表同縣姜勳妻吳氏張鼎新妻王氏趙宗綉妻陳氏胡時



露妻林氏何燧妻虞氏周邦耀繼妻陳氏陳于鯨妻  
葉氏方尚恭妻胡氏劉灝妻石氏繆維寶妻林氏項  
昌蔭妻胡氏蔣琦妻張氏鮑鴻哲未婚妻鍾氏鍾岳  
未婚妻胡氏杜璟妻顏氏繆允珠妻林氏胡式述妻  
蔡氏陳子威妻顏氏並於  
乾隆年間先後旌表  
高爾鏡妻諸葛氏 樂清人夫

亡守志乾隆四年旌表同縣鄭應湮妻陳氏俞朝  
玉妻何氏王國節妻陳氏陳錫如妻林氏徐元慶妻  
王氏周希玉妻蔣氏周光鍵妻謝氏楊國聖妻黃氏  
徐賡臣妻倪氏朱伯熙妻王氏鄭瑞華妻虞氏陳敬  
和妻王氏連君彩妻朱氏史文標妻顧氏周謹妻唐  
氏高宏文妻盧氏妻楊氏並於乾隆年間旌表

林允祥妻陳氏

平陽人夫亡守志乾隆八年旌表  
同縣陳元範妻繆氏王德傑妻黃氏

陳繼涌妻牛氏項昌祚妻陳氏陳効清妻吳氏金夢  
雷妻周氏應重璉妻余氏周天俛妻全氏陳家格妻

張氏陳文傑妻吳氏陳聖誥妻劉氏章仲全妻陳氏  
江基繼妻游氏林繼貞妻陳氏方應魁妻張氏朱式  
金妻史氏顧德馨妻厲氏陳鳳姚妻張氏趙宗聖妻  
王氏又烈婦陳士林妻吳氏並於乾隆年間先後  
旌表

潘秉天妻夏氏

旌表 泰順人夫亡守志乾隆十四年旌又林茂麟妻董氏包惟儼妻張

氏陶九堂妻夏氏董士推妻梅氏徐士炎妻夏氏陳  
魁春妻王氏卓文統妻王氏饒世佐妻夏氏吳正城  
妻羅氏薛開春妻林氏林茂季妻薛氏吳鼎魁妻陶  
氏林永祥妻某氏吳士瑛妻周氏王盛銘妻胡氏胡  
永詔妻董氏王立行妻夏氏吳維康妻王氏包惟雷  
妻林氏樵枝秀妻夏氏張正暉妻柳氏王翰妻曾氏梅枝  
文妻徐氏張正撫妻馮氏高學妻葉氏高猷球妻孫氏  
夏氏獻妻包氏胡文詩妻林氏並乾隆年間旌表

仙釋三國吳朱孺子

永寧人居大若巖下師王元真授以要訣嘗於溪畔見二犬逐

之入枸杞叢中掘得其根  
狀如犬煮食之遂仙去  
唐馬湘梁時卜居瑞安縣之西峴山每

有紫霞覆其上其居左右  
有二十八井上應列宿  
傳隱逸永嘉人居大若巖辟穀修煉調

露元年上昇今  
宋張無夢永嘉人開元觀道士宋真宗召對講謙卦上問

獨說謙卦何也對曰方大有時宜守  
之以謙上大悅特賜詩寵之還山  
宿覺温州人

家淨光寺參六祖於曹溪嘗著禪宗悟修圓旨十  
篇觀心十門證道歌時有梵僧傳其歌稱爲東土

大乘經乾符元年  
元布袋永嘉人名景元參蔣山賜謚無相大師  
圓悟有得悟曰我這裏

師禪都被元首座作一布袋  
盛去了也遂呼爲元布袋云  
林靈素永嘉人以神霄大法得幸

徽宗賜號金門羽客冲虛通真達靈元妙先生後  
居温州天慶觀一日戒其徒張如晦曰可於覆金

山斷地五尺見石龜蛇即莖我莖畢宜亟去是夜三更援筆題曰四十五年勞生浮名薄利崢嶸要識神仙舊路中秋月下三更題畢忽聞雷聲稽首而化及葬斷地果如其言甫下棺雷電大作雲霧晦冥失其所在其御賜七寶數珠同塵靖康元年欽宗遣使取數珠將發墓黑風雷雨百怪雜出使者驚謝天始霽則數珠已在樹上矣

土產綿

元和志溫州開元貢綿

紵布

元和志溫州開元貢紵布府志郡產布最細

紬

染五色絲織成名溫紬

溫克絲

精巧奪綺縠

鮫魚皮

唐書地理志溫州土貢鮫

草

蠟糲紙

以糲粉蠟為之宋時貢

礬

平陽宋洋山出

鐵

瑞安平陽泰順三縣出

芽茶

宋元明歲貢

柑韓彥直柑譜有八種宋時元夕以溫州所貢柑徧賜羣臣謂之傳柑

金橘

明時與金豆生葛等為歲貢嘉靖間奏罷

乳橘

液多而味甘

石髮菜

亦名

海藻

石斛

形長質堅而味甘否為木斛

西施舌

生海泥中吐肉寸餘味美

牡蠣

即蠣房

櫟木

制器輕而利用

漆器

永嘉出

竹絲燈

永嘉出

欽定大清一統志卷二百三十五


毛玠

州


府

圖

處州府圖









處州府表

處州府表	兩漢	三國吳	晉	宋	齊梁陳	隋	唐	五代	宋	元	明
會稽郡地	屬臨海郡	屬永嘉郡				永嘉郡	處州經雲	處州	處州經雲	處州路	處州府
回浦縣地	松陽縣地					開皇初置	郡	屬吳越	郡	升路屬江	改府屬浙
括蒼縣地	開皇九年	置郡治	括蒼縣	麗水縣	麗水縣	初仍為括	麗水縣	麗水縣	麗水縣	麗水縣	麗水縣
蒼州治	大歷十四	年更名為	處州治								
景雲二年	置屬處州		青田縣	青田縣	青田縣	青田縣	青田縣	青田縣	青田縣	青田縣	青田縣
屬處州路	屬處州路	屬處州路									



縣	慶元縣	雲和縣	宣平縣	景寧縣
回浦縣地 後漢章安縣地	回浦縣地 後漢章安縣地	回浦縣地 後漢章安縣地	回浦縣地 後漢章安縣地	回浦縣地 後漢章安縣地
松陽縣地	松陽縣地	松陽縣地	松陽縣地	松陽縣地
括蒼縣地	括蒼縣地	括蒼縣地	括蒼縣地	括蒼縣地
龍泉縣地	龍泉縣地	麗水縣地	麗水縣地	青田縣地
與初復仍屬處州	慶元縣 慶元三年屬處州			
	慶元縣 初省入龍泉洪武十四年復屬處州府			
雲和縣 景泰二年置屬處州府	宣平縣 景泰三年置屬處州府	景寧縣 景泰三年置屬處州府	景寧縣 景泰三年置屬處州府	景寧縣 景泰三年置屬處州府



縣	慶元	雲和	宣平	景寧	縣
回浦縣地 後漢章安縣地	回浦縣地 後漢章安縣地	回浦縣地 後漢章安縣地	回浦縣地 後漢章安縣地	回浦縣地 後漢章安縣地	
松陽縣地	松陽縣地	松陽縣地	松陽縣地	松陽縣地	
括蒼縣地	括蒼縣地	括蒼縣地	括蒼縣地	括蒼縣地	
龍泉縣地	龍泉縣地	麗水縣地	麗水縣地	青田縣地	
與初復仍屬處州	慶元縣 慶元三年屬處州				
	慶元縣 初省入龍泉洪武十四年復屬處州府				
雲和縣 景泰二年置屬處州府	宣平縣 景泰三年置屬處州府	景寧縣 景泰三年置屬處州府	景寧縣 景泰三年置屬處州府	景寧縣 景泰三年置屬處州府	

